

**F. MARCI ANTONIJ
CAPPELLI
FRANCISCANI
CONUENTUALIS,
DE...**

Marcantonio Cappello



410
H

8. 25. K. 72. 1

F. MARCI ANTONII
CAPPELLI.
FRANCISCANI
CONVENTUALIS,

DE
APPELLATIONIBVS
ECCLESIAE AFRICANÆ
ad Romanam Sedem,
DISSERTATIO.

Aduersus Hæreticos nostri temporis.



D. Andrea

della Valle.

PARISIIS,

Apud NICOLAVM BVON, in via Iacobæa, sub
signis S. Claudij, & Hominis Siluestris.

M. DC. XXII.

Cum Privilegio, & Approbatione.



INDEX CAPITVM.

Explicata Controuersia de Appellationibus
Ecclesie Africanae ad Romanam sedem iux-
ta haereticorum sententiam, quae in hoc opu-
sculo contra eos probanda sunt ad certa ca-
pita reatiguntur. Cap. I. pag. 1

Quanti referat nosse, cuius Concilij sit Canon
 de Appellationibus ad Transmarina; eum-
 que & octo Canones contra haeresim Pelagij
 perperam tribui Concilio Mileuitano, vel
 primo, vel secundo. Cap. II. pag. 12

Canonem de Appellationibus Ecclesie Africanae
ad Transmarina, scientibus, & iubentibus
Romanis Pontificibus editum fuisse; Ex quo
cum ceteris, qui obijciuntur, probatur, quod
Ecclesia Africana tunc agnoscebat, & prosi-
tebatur subiectam esse se Romanae sedi.

Cap. III. pag. 80

Detegitur impostura actorum, quae tribuntur
 Concilio Carthaginensi, & Epistolarum,
 quae vulgate sunt nomine P. P. Africanorum
 ad Bonifacium, & Celestinum Romanos
 Pontifices. Cap. IV. pag. 116





ILL^{MO} ET R^{MO} DOMINO
S C I P I O N I
G O B E L L V C I O
C A R D I N A L I S A N C T Æ
S V S A N N Æ, S. R. E. B I B L I O T H E C A R I O,

Fr. Marcus Antonius Capellus, Franciscanus Conuentualis.

E I D E M Catholicam
ascito Catholicorum
nomine euersum ire, &
dogmata sua scriptis
adulterinis propagare, vetus ha-
reticorum mos est: Vt quia res
mala per se acceptabilis esse
non potest, bono nomine com-
mendetur. Marcionitæ, Orige-
nistæ, Ariani, Pelagiani, Eutichia-

*Ambrosius in Ep.
ad Philem.*

ni, Monothelita, Iconoclasta, & quis demum ex infinita illa hostium nostrorum colluue hoc se scelere non astringit? ^a Ab eis interpolata sunt scriptura sacra: ^b Publice Conciliorum tabula corrupta: ^c Supposita orthodoxis nominibus Hæreticorum, & Atheorum volumina: ^d Aspersa pestiferis venenis scripta Catholica: mille doli, mille fallendi artes excogitata, ut incauti fideles sub Catholico nomine biberent de aureo Calice Babylonis. Ceterum non tantum illos hæc spes frustrata est, Deo rem suam curante, sed Catholicorum scriptis detracta erroribus larua, in oculis Ecclesiæ hæresis confusione illam passa est, quam tot retro sæculis, sub adultera symbolo Deus per Prophetam illi minatus fue-

- ^a Tertull. de Prescript. Epiphani. hæ. 42. Ambros. de Spir. sanct. lib. 3. c. 11. & de fide lib. 9. c. 7. ^b Socrat. lib. 1. c. 5. ^c Euseb. Cæsar. lib. 4. cap. 22. Hier. Epist. ad Cresiphon. Nicephor. lib. 16. cap. 28. Leont. Byzant. advers. fraud. Apollinarist. d S. Leo Ep. 67. ad Martia. Gennad. in Timot. Alex. Justinian. Imp. in edict. fid. Sexta Synod. Act. 12. & 14. Conc. Lateran. sub Mart. 1. Seer. 1. & 3. Nicol. 1. Ep. 1. ad Michae. Biblioth. Photy. in Euseb. Epist. Thessal.

rat.^c Congregabo, dicebat, super ^{c Exech. 17.}
te vndique eos, quos oderas, &
nudabo ignominiam tuam co-
ram eis, & videbunt omnem
turpitudinem tuam, & dabo te
in manus eorum, & destruent
lupanar tuum, & demolientur
prostibulum tuum, & nudabūt
te vestimētis tuis, & relinquent
te nudam, plenámque ignomi-
nia. *Egregiè cū superioribus sa-
culis, tum maximè atate nostra id
præstiterunt plerique docti, & eru-
diti scriptores, quorum memo-
riam nulla delebit obliuio; sed ille
præ omnibus, qui maiori felicitate
togatus, rem Romanam defendit,
quàm Cæsar, quem nomine refere-
bat, illam armatus oppresserit. His
ego Triarijs manipularis tandem
accesi, & iussus ab Apostolo,*
ã ii

f æmulari Charismata meliora,
multas Hereticorum imposturas
detexi, & persecutus sum in eo
libro quē anno superiori publica-
ui contra sectarios duos, qui sub
Plutonis Casside fines nostros in-
uaserant, conclusuri, nisi obstitis-
semus, potestatem Christi Vica-
riam intra angustias Urbane Præ-
fecturæ. At unum fuit, in quo
nunquam plenè quievi; Contro-
uersia de Appellationibus Ecclesiæ
Africane ad Romanam sedem,
quæ mihi semper ex hæresium offi-
cina nescio quid falsi olere visa est.
Et digna quidem haberi poterat,
quæ iterum seorsim, & per se dis-
cuteretur, tum quod Viros Anti-
quitate, Doctrina, & Sanctitate
insignes authores habuisse puta-
tur, tum quod aduersarij commu-

ni consensu in ea rebellionis suæ
cardinem constituunt. Dum in o-
pus propendeo totus, deliberoque
quid agam: Tu Pater Optime, sine
quo vix unquā boni aliquid Chri-
sto peperī, animo illo tuo in Deum
semper erecto hortator, et impul-
sor accessisti, graviter miseratus tot
animas pereuntes eiusmodi frau-
dibus ut plurimum delusas. Vbi
perquiri cæptum, et introspectum
in rem tantisper est, spem superavit
eventus. Tantum enim sordium
in hanc narrationem congestum
deprehendi, ut (dicere vix audeo,
cum fictis, & commentitijs qui-
busque fabulis de vanitate, &
mendacijs certare videatur. Id
lucubrationis, quantulumcum-
que sit, piorum hortatu, præsertim
verò Illustrissimi Domini Cardi-

*nalis DE SOVRDIS Catholica
 veritatis acerrimi vindicis, nunc
 prodit in lucē, & tuis sub auspicijs
 prodit. Neque dico, cur ita prodire
 voluerim, quia sine tui commen-
 datione dici non potest; et tu, qui
 arcem gloriae quæris non in Seir, sed
 in Sion, et ex Caluario, detracto-
 rem pati mauis quàm laudatorē.
 Deum ex animo precor, vt Ecclesie
 sue, cui te Cardinem dedit, incolu-
 mem etiam quàm diutissimè ser-
 uet. Romæ XVII. Kal. Februarij.
 M. DC. XXII.*

APPROBATIO.

NOs subsignati in sanctiss. Facultate Theologiæ Pari-
 siensis Doctores testamur perlegisse libellum F. Marci
 Antonij Cappelli Franciscani conuentualis, De Appellationibus
 Ecclesie Africane ad Romanam Sedem, in eoque nihil de-
 prehendisse repugnans sacrosanctæ Fidei & authoritati
 Sedis Apostolicæ, quam sanctam tueri fuit dicto au-
 thori animus. In cuius rei fidem his subscripsimus. Pari-
 sijs 17. Iunij, ann. 1622. A. SORO.

F. IULIANVS LE GENDRE Carmelita.



I
F. MARCI ANTONII
CAPPELLI
FRANCISANI
Conuentualis,
DE APPELLATIONIBVS
ECCLESIAE AFRICANAE
ad Romanam Sedem,
DISSERTATIO.
Aduersus Hæreticos nostri temporis.

*Explicata Controuersia de Appellationibus Ec-
clesiæ Africanæ ad Romanam Sedem iuxta
Hæreticorum sententiam, quæ in hoc
opusculo contra eos probanda sunt;
ad certa capita rediguntur.*

CAPVT I.

POSTQVAM supremam Pote-
statem Papæ oppugnare cœpe-
runt Hæretici Occidentales, vna ex

I.

A

2 DE APPELLATIONIBVS

præcipuis machinis, quibus eam euertere moliti sunt, fuit semper controuersia de Appellationibus Ecclesiæ Africanæ ad Romanam Sedem, quam agitatam dicunt ab anno Domini 418. ad annum 424. Pontificibus Zosimo, Bonifacio, & Cælestino. Multa quidem ex ea nobis obijcere solent, sed omnia ad tria Capita rediguntur. 1. Canones. 2. Acta Concilij. 3. Patrum Africanorum epistolas ad duos Romanos Pontifices Bonifacium, & Cælestinum.

II. Canones duo sunt. Primus est vigesimus secundus Concilij Mileuitani, his verbis conceptus. *Placuit, ut Presbyteri, Diaconi, vel ceteri inferiores Clerici, in causis, quas habuerint, si de iudicijs Episcoporum suorum questi fuerint, vicini Episcopi eos audiant adhibiti ab eis ex consensu Episcoporum suorum. Quod si & ab eis prouocandum putau-*

rint, non prouocent, nisi ad *Africana Concilia*, vel ad *Primates Prouinciarum suarum*. Ad *Transmarina* autem qui putauerit appellandum, à nullo intra *Africam* in communionem recipiatur. Canon qui postea repetitus fuit in sexto Concilio Carthaginensi.

III.

Secundus Canon est septuagesimus secundus Codicis Africani decretus Carthaginè sub Innocentio Primo, Honorio VII. & Theodosio II. Consulibus. Quando Africani auertere volentes à ceruicibus suis iugum Romanæ Potestatis, quo premi cœperant, ne quis deinceps ex Africa Romam prouocare auderet, cauerunt his verbis: *Quicumque non communicauerit in Africa, si in Transmarinis ad communicandum obrepserit, iacturam Clericatus excipiat.*

IV.

Addunt plerique tertium, sancitum quidem Cæsario, & Attico Consulibus, repetitum verò, & confir-

4 DE APPELLATIONIBVS
matum Carchagine. P. C. Honorij
XII. & Theodosij VIII. *Vt Primæ
Sedis Episcopus non appelletur, aut Prin-
ceps Sacerdotum, aut summus Sacerdos,
aut aliquid eiusmodi, sed tantum Primæ
Sedis Episcopus.* De Romano Ponti-
fice id constitutum colligunt ex
Paulo Diacono de gest. Longobard.
lib. 4. c. 11. *Phocas Imperator, inquit,
rogante Papa Bonifacio, statuit, Sedem
Romane Ecclesie Primam esse, cum prius
Constantinopolitana se Primam omnium
scriberet.* Ab hoc Canone conclu-
dunt, Romanum Pontificem esse
quidem Primum ordine Sedium, at
non primum iurisdictione, quum
eos subiectos habere non possit, quo-
rum in Canone ei Principatus ne-
gatur. Aboliturum hinc in Africa, &
sublatum omnino cum potestate ip-
sum quoque nomen Primatus.

V. Ex Actis, & Epistolis hæc dicunt.
Quum Zosimus R. P. hoc statu res

ECCLESIAE AFRICANÆ. 5
reperisset, quibuscumque demum
artibus posset, fugientem Papatum
retinere constituit. Quare Consuli-
bus Honorio XII. & Theodosio
VIII. expeditis tribus Legatis ad
Concilium, quod ex Africa tota
Carthagine indictum fuerat, hac
fraude usus est. Auctoritatem Con-
cilij Nicæni in Ecclesia summam esse
sciebat: nullo haberi loco Sardicen-
se: fauere tamen Papatui non Nicæ-
num, sed Sardicense. Sumpto itaque
tertio Canone Sardicensi pro Nicæ-
no, & oretenus, & in Commonito-
rio, Legatis Nicænum illum esse men-
titus est, eisque in mandatis dedit,
hoc nomine adigerent Africanos ad
decernendum, ut ex Africa Romam
appellare Episcopis liberum esset.
Cæterum Africani, auditis Legatis,
& fraude animaduersa, scripserunt
se canones illos vehementer suspe-
ctos habere, nihilominus passuros, ut

A iij

6 DE APPELLATIONIBVS
inde ad Romanam Sedem appella-
retur, quousque germana exempla-
ria Canonum Nicænorum in lucem
prodirent. Atque ita præteriit an-
nus ille, qui fuit Christi 488. quo ex-
eunte Zosimus mortalitatem exple-
uit. Anno sequenti 8. Kal. Iunij Car-
thaginæ iterum conueniēre, ibique
causa hæc iterum discuti cœpit. In-
terea repererant Africani exemplar
canonum Nicænorum, quod Cæci-
lianus vnus ex Patribus 318. Nicæa
Carthaginem tulerat, eiusque autho-
ritate commonitorium Zosimi no-
mine falsi vehementer vrgere cœpe-
runt. Sed Legatis pro eo decertan-
tibus tandem transactum est, vt pe-
culiari legatione Authentica Cano-
num Nicænorum peterentur ab Ec-
clesiis Alexandriæ, Antiochiæ, &
Constantinopolis, quò ex eorum
præscripto aut prohiberentur, aut
permitterentur appellationes. Inter-

ECCLESIAE AFRICANÆ.

ca tamen seruaretur Canon Sardicenfis, ac si effet Nicænus, Episcopis-
que Africanis toto hoc interuallo
appellare liceret ad Romanam Se-
dem. Perlati sunt Canones Nicæni
ex Oriente eodem anno, & 6. Kal.
Decembris Romam ad Bonifacium
Zosimi successorem missi sunt, ex
eisque detecta Zosimi fraus. Sed de-
siderantur litteræ Africanorum,
cum quibus Canones Romam missi
fuere.

Postquadriennium mortuo Boni- VI.
facio successit Cælestinus, qui audi-
to Apiario Presbytero Siccensi Pro-
uinciæ Numidiæ, quem Africani
damnauerant, ei communionem re-
stituit. Legatisque suis in Africam
expeditis, causam illius iterum dis-
cuti iussit, Zosimum imitatus, qui
hoc ipsum fecerat anno supremo sui
Pontificatus. Hac occasione Presby-
teri Africani indicta Carthagine Ple-

8 DE APPELLATIONIBVS
naria Synodo Prouinciarum Africæ,
Apiarij causam secundò discutunt,
cùmque post multas tergiversatio-
nes, crimina confitentem sua, benè
excommunicatum declarant. Post ad
Pontificem scribunt; cum Presbyte-
rorum, & aliorum ordinum inferio-
rum Africæ causas cognoscere non
posse, quæ ex Canonibus Nicænis fi-
niri debebant in Prouincijs, in qui-
bus ortæ essent. Episcoporum quo-
que appellationes admittere non de-
bere, quia Episcopi Metropolitanis
suis à Concilio Nicæno commissi
fuerant, quorum iudicio si stare no-
luissent, habebant Concilia Africæ
plenaria, ad quæ prouocarent. Ne-
que extare vllius Synodi decretum,
quo Papæ liceret mittere legatos suos
ad iudicia Synodorum alienæ Pro-
uinciæ, vti fecerat Cælestinus pro
Apiario. Nam quod Zosimus dixerat
de Canticone Nicæno, id falsum fuisse.

se, ex Authenticis Orientalibus iam constiterat. Et postremò grauitèr inuehuntur in exequutores, quos Romana Ecclesia in Africam mittere cœperat.

Ex hac rerum serie Hæretici multa colligunt contra Primatum Papæ. 1. Quod Potestas Papæ tum temporis redigebatur tota ad Canones Nicænos, non ad Petrum. 2. Quod Canones Nicæni non subijciebantur, sed præferebantur mandatis Papæ. 3. Quod negari potest suprema Potestas Papæ citra errorem; non enim vel hæresis, vel schismatis infamia laborarunt Patres Africani in hac controuersia. 4. Quod Episcoporum. 5. Quod Presbyterorum appellationes aliarum nationum deferendæ non sunt ad Apostolicam Sedem. 6. Quod excommunicatos in alienis Prouincijs Papa in communionem recipere non potest. 7. Neque lega-

VII.

10 DE APPELLATIONIBVS
tos mittere, qui affideant iudicijs Sy-
nodalibus alienarum Prouinciarum.
8. Eumque demum Potestatem coa-
ctiuam non habere, si quis iussis eius
obedire recuset.

VIII.

*M. Ant. de
Dom. lib. 4. c.
8. n. 34.*


Onerant præterea Zosimum con-
tumelijs, quod *dedita opera equiuoca-
re, & Canonem Sardicensem pro Ni-
cano, ne integrum quidem sed dolo ma-
lo alteratum supponere voluerit, ut Afri-
canam Ecclesiam antidotum iam appa-
rantem sibi plene subijceret.*

Hæc ea sunt, quæ de hac causa
Hæretici communiter iactant, ille
præsertim, quem miseri quidam hac
tempestate Atlantem suum appella-
re non erubescunt. Quibus quasi de-
cumanis fluctibus nauiculam Petri
obrutam arbitantes, arrogantia in-
credibili in Romanam Sedem insul-
tant. Tu tamen Lector inhiibe tantif-
per assensum, & quam forte oppres-
sam, & euersam suspicaris, hanc

ECCLESIAE AFRICANÆ. II
spolijs onustam cito videbis ab his
vorticibus feliciter enatare. Tibi ni-
mirum in hoc opusculo, tria me de-
monstraturum polliceor. 1. Cano-
nem de Appellationibus ad Trans-
marina, non inuitis, vel inscijs, sed
scientibus, & iubentibus Romanis
Pontificibus decretum esse; eorū-
que Potestati nil derogare. 2. Ex duo-
bus reliquis, vnum Ecclesiam Afri-
canam subiectam Romanæ Sedi pro-
bare; Alterum ad Romanum Pon-
tificem omnino non pertinere. 3.
Acta, & Epistolas, quæ obijciuntur,
esse mera mendacia, & imposturas.

*Quanti referat nosse, cuius Concilij sit Canon
de Appellationibus ad Transmarina. Eum-
que cum octo canonibus contra Hæresim
Pelagij perperam tribui Concilio Mi-
leuitano, vel primo, vel secundo.*

CAP. II.

- I.  ANTIS inuoluta tenebris an-
tiquorum Conciliorum A-
fricanorum gesta ad hæc tem-
pora peruenerunt, vt natiuæ inte-
gritati restitui non possint sine in-
genti labore, & nisi restituantur,
derebus in illa Ecclesia gestis ex eis
recte iudicare impossibile sit: exem-
plo erit Canon de Appellationibus
ad Transmarina, qui vnum tantum
aut alterum Concilium authores ha-
buit, vt ostendam, quatuor tamen
Concilij tribui solet, Mileuitanis
duobus, & duobus Carthaginiensi-

ECCLESIAE AFRICANÆ. 13
bus. Si in vtrouis Mileuitano decre-
tus esset, certè si non inuito, inscio
saltem Romano Pontifice id factum
fuisse. Si in vtrouis Carthaginiensi,
non ita; quia quicquid vtraque vice
Carthagine statutum fuit, id omnè,
& probante, & iubete Romano Pon-
tifice factum fuisse patebit. Quum
ergo nerui huius difficultatis à co-
gnitione veri Authoris huius Cano-
nis pendèant, quisnam hic fuerit,
quantum fieri potest diligenter, &
accurate inuestigare necesse est.

Duo Concilia Mileui in Numidia II.
tempore Innocentij Primi Romani
Pontificis habita fuere, vnum Arca-
dio, & Honorio Augustis V. Con-
sulibus; alterum Consulibus Theo-
dosio Augusto VII. & Palladio. In
antiqua collectione Conciliorum
adscripta fuere Concilio Mileuitano
primo capita viginti septem, inter
quæ vigesimum secundum est Ca-

non de Appellationibus ad Trásmarina. Baronius ad annum Christi 416. eius Collectionis capita in tres partes diuifit, & primam hoc est Præfationem, dedit primo Mileuitano. Secundam, quæ continet octo anathematismos in hærefim Pelagij, Mileuitano secundo; Tertiam quæ reliqua omnia complectitur, varijs Concilijs Africanis. Ad annum tamen 419. in secundo Mileuitano etiam Canonem XXII. statutum fuisse fumat. Nos, qui, & à Baronio, & ab antiquo Collectore dissentimus, ordinem temporis fequuti, primùm afferemus in medium quid à Collectore nos diffentire coëgerit, deinde quid à Baronio, cuius nomini etfi multum debemus, multò plus tamen Ecclefia, & veritati.

III. Cæterùm, quia res eius temporis per Confules digeftæ fuerunt, & clauis difficultatum series rerum gelta-

ECCLESIAE AFRICANÆ. IS
 rum, vt plurimum esse solet, ideo ex
 fastis Consularibus Authorem eius,
 & proximi temporis oculis subiicere
 volui omnes Consulatus ab anno
 Christi 400. ad annum 424. quo spa-
 tio continetur quicquid ad hanc
 controuerfiam spectare potest. Con-
 sulibus verò adieci indictiones ex
 Marcellino Comite, vt demonstrari
 possint anni Christi, si quis de Chro-
 nologia ista dubitaret. Numerum,
 feriem, & nomina Consulium sug-
 gesserunt Prosper, qui tunc viuebat,
 & Cassiodorus, qui proxime sequen-
 ti sæculo floruit.

Consules. Indictiones. Anni Christi.

Stilico, & Aurelianus	XIII	400
Vincentius & Traucia	XIV	401
Arcadius v. & Honorius v.	XV	402
Theodosius Iun. & Rumoridus	I	403
Honorius vi. & Aristenecus	II	404
Stilico II. & Anthemius	III	405
Arcadius vi. & Probus	IV	406
Honor. vii. & Theodosius II.	V	407
Bassus & Philippus	VI	408
Honor. viii. & Theodosius III.	VII	409
Varanus	VIII	410
Theodasius IV.	IX	411
Theodosius v. & Honorius ix.	X	412

16 DE APPELLATIONIBVS

Lucianus	XI	413
Constantius & Constans	XII	414
Honorius x. & Theodosius vi.	XIII	415
Theodosius vii. & Palladius	XIV	416
Honorius xi. & Constantius ii.	XV	417
Honor. xii. & Theodosius viii.	I	418
Monaxius & Plinta	2	419
Theodos. ix. & Constantius iii.	3	420
Eustachius, & Agricola	4	421
Honorius xiii. & Theodos. x.	5	422
Aselepiodotus & Maritjanus	6	423
Victor & Castinus	VII	424

IV. Hæresim Pelagij propagari cœpisse circa Consulatum Luciani, Prosper, qui tunc viuebat, résque Pelagianorum oculatissimus obseruabat, ad annum illum in Chronico testis est. *Hac tempestate*, inquit, *Pelagius Brito, dogma nominis sui contra gratiam Christi, Cælestio, & Juliano adiutoribus exërit, multósque in suum trahit errorem.* Et bene dixit, *hac tempestate*, & non dixit, *hoc anno*, quia anno superiori, vt optima ratione probat Baronius ad annum Christi 412. Cælestius discipulus Pelagij à Paulino Diacono de Capitibus Hæreseos Pelagianæ postulatus, Carthagine Synodali sententia damnatus fuerat.

Concilium

Concilium Mileuitanum primum, hanc habet præfationem. *Gloriosissimis Imperatoribus Arcadio, & Honorio Augustis viris Clariss. Consulibus VI. Kal. Septembris, in Ciuitate Mileuitana, in Secretario Basilicæ, cum Aurelius Episcopus Ecclesiæ Carthaginis in Concilio vniuersali consedisset, adstantibus Diaconis Aurelius Episcopus dixit, &c.*

Ex fastis constat, quod postremus Consulatus, quem simul gesserunt Arcadius, & Honorius, fuit vtriusque quintus, & incidit in annum Christi 402. Quare in Concilio eius anni damnari non potuit hæresis Pelagiana, quæ non nisi post integrum decennium cœpit publicari. Et ex consequenti, alterius Concilij esse, necesse est, octo priores Canones huius Collectionis, quibus capita hæresis Pelagianæ articulati damnantur.

V.

Concilium Mileuitanum ex quo ad Romanum Pontificem Innocentium de hæresi Pelagiana tunc oriente Patres scripsere, fuit Prouinciale Numidiæ, eique præfedit Siluanus illius Prouinciæ Primas. Húc enim Concilij Præsidem epistola Patrum Mileuitanorum ad Innocentium in fronte gerit his verbis. *Domino Beatissimo, meritóque Venerabili, & in Christo honorando Papa Innocentio Siluanus, Valentinus, &c. Et responsio Innocentij ad Concilium. Innocentius Siluano Seni, Valentino, & ceteris, qui in Mileuitana Synodo interfuerunt. Fuisse Prouinciale Numidiæ, & non plenarium Africæ, scribunt Patres ipsi ad calcem Epistolæ suæ. Hæc ad Sanctitatem tuam de Concilio Numidiæ scripta direximus, imitantes Carthaginiensis Ecclesiæ, Carthaginiensis Prouinciæ Coëpiscopos nostros, quos ad Sedem Apostolicam, quam Bea-*

ECCLESIAE AFRICANÆ. 19

*tus illustras, de hac causa scripsisse, com-
perimus. At Mileuitanum Primum
non fuit Prouinciale, sed vniuersale
Africæ, & Præsidem habuit non Sil-
uanum, sed Aurelium, vt habet
Præfatio. Quare Primum Mileuita-
num non est illud Concilium, in
quo de Hæresi Pelagiana tractatum
fuit.*

Capite XXVII. illius Collectionis
Mileuitanæ, decernuntur quidam
Episcopi, qui cum Aurelio Episco-
po Seniore cuncta agant nomine
omnium, & sunt:

VI.

De Prouincia

Carthaginis	{	Vincentius
		Fortunatianus
		Clarus
Numidiæ	{	Alipius
		Augustinus
		Restitutus

B ij

	{ Donatianus Primas
Bizacena	{ Cresconius
	{ Iocundus
	{ Æmilianus
Mauritanix	{ Seuerianus
Sitifensis	{ Asiaticus
	{ Donatus
Tripolitana	{ Plautius

Nomina verò Patrum Mileuitanorum, qui scripserunt ad Innocentium, ex eorum epistola sunt hæc.

Siluanus, Valentinus, Aurelius
 Donatus, Restitutus, Lucianus
 Alipius, Augustinus, Placentius
 Seuerus, Fortunatus; Possidius
 Nouatus, Secundus, Maurentius
 Leo, Faustianus, Cresconius
 Malcus, Licorius, Fortunatus
 Donatus, Ponticanus, Saturninus
 Christonius, Honorius, Lucius
 Adeodatus, Processius, Cresconius
 Secundus, Fœlix, Asiaticus

Rufinianus , Faustinus , Seruus
 Terentius, Cresconius, Sperantius
 Quadratus , Lucillius , Sabinus
 Faustinus , Cresconius , Victor
 Genantius, Possidonius, Antoninus
 Innocentius, Præsidius, Crescentius
 Felix, Antonius, Victor
 Honoratus, Donatus, Petrus
 Præsidius, Cresconius, Lampadius,
 Delfinus



Quare Patres Mileuitani , qui scri-
 pserunt ad Innoceptium, non sunt
 illi, quibus Arcadio V. & Honorio
 V. Consulibus commissæ fuerunt (si
 tamen commissæ fuerunt) res Con-
 cilij. Non enim inter eos sunt Aure-
 lius Primas, non Vincentius, Fortu-
 natianus, & Clarus ; non Iocundus ,
 & Æmilianus ; non Seuerianus, &
 Plautius. Quomodo igitur illud, &
 istud vnum, & idem Concilium ef-
 se possunt?

VII.

Prosper, Marcellinus Comes, & alij collocant initium Pontificatus Innocentij in Quinto Arcadij & Honorij Consulatu, eiusque excessum in Consulatu Honorij XI. & Constantij II. vnde colligunt, eum tenuisse Pontificatum totis quindecim annis. Consulibus Honorio, & Constantio, VI. Kal. Februarij, antequam migraret è vita, Innocentius respondit Patribus Mileuitanis, qui ad eum de rebus Pelagij retulerant; hanc enim temporis notam habeteius epistola ad Patres Mileuitanos: Quare exeunte anno præcedente, quo Consules fuerunt Theodosius VII. & Palladius, Concilium Mileuitanum contra Pelagium habitum fuisse, necesse est. Distat consequenter à Concilio Mileuitano primo toto ferme Pontificatu Innocentij, hoc est, quindecim integris annis; & quæ tanto distant

hiatu, vnum, & idem corpus conflare possunt? Dicamus ergo, quod qui huic Collectioni Concilij Mileuitani primi nomen imposuit, hic quisquis fuit, neque rerum, neque personarum, neque aliarum circumstantiarum aut rationem, aut notitiam habuit.

Recentiores falsa opinione decepti, quod in secunda synodo Mileuitana sub Innocentio primo decreti fuerint octo Canones contra Pelagium, ad illos respicientes, hanc Collectionem Mileuitanam secundam appellare cœperunt; sed errore maiori; Nam hæc collectio habet saltem Præfationem, & aliquot capita Primæ synodi Mileuitanæ, at secundæ nihil omnino, vt sigillatim demonstro.

VIII.

Præfatio, vt vidimus, est primi Mileuitani, quod relatum in corpore Canonum Ecclesiæ Africanæ

B iiij

24 DE APPELLATIONIBVS
 lectum fuit Carthagine in Concilio
 Africæ Plenario, post Consulatam
 Honorij XII. & Theodosij VIII.
 una cum capitibus huius Collectio-
 nis 13. 14. 15. Neque dicat quisquam,
 eosdem Canones in primo Mileui-
 tano constitutos, in secundo post
 fuisse repetitos. Nam ita in secundo
 (si istud secundum appellare veli-
 mus) inducerentur iidem homines
 easdem causas tractantes, & eadem
 verba dicentes, quæ in primo; res &
 impossibilis, & ridicula. E. g. ca-
 put 13. utrobique his verbis conce-
 ptum legitur. *Valentinus Episcopus di-
 xit: Si permittit bonum patientiæ vestræ,
 persequar ea, quæ præterito tempore in
 Ecclesia Carthaginiensi gesta sunt, &
 cætera similiter, quæ neque credibi-
 lia sunt, neque possibilia.*

IX. Capita x. xii. xvi. xvii. xix. xx.
 sunt Concilij Carthaginensis Ho-
 norio VII. & Theodosio II. Coss. ut

ECCLESIAE AFRICANÆ 25
in eodem Codice videre est. Et
quamuis codex ille nusquam esset,
res ipsa loqueretur. Enimuero Ca-
nonis noni verba sunt hæc: *Placuit,*
ut non sit ultra fatigandis fratribus an-
niuersaria necessitas, sed quoties exege-
rit causa communis, id est totius Africae
undecumque ad hanc Sedem datae lit-
terae fuerint, congregandam esse Syno-
dum in ea Prouincia, ubi opportunitas
persuaserit. Causae autem, quæ non sunt
communes, in alijs Prouincijs iudicen-
tur. Cæcus est, qui non videt, hoc
canone & locum Synodi Carthagi-
nem, & caput Synodi Sedem Car-
thaginensem indigitari.

Duo Capita 10. & 11. in Codice X.
Africano, sunt Concilij Carthagi-
niensis, Vincentio, & Flauita Con-
sulibus. Quinque alia, h. e. 21. 24.
25. 26. 27. sunt Concilij Africani
plenarij, Honorio XII. & Theodo-
sio VIII. Coss. quod scilicet cele-

26 DE APPELLATIONIBVS
bratum fuit tertio iam anno labente
post secundum Mileuitanum. Au-
diamus caput nonum, & ex eo de
cæteris iudicemus. Item placuit, ne
diutius vniuersi Episcopi, qui ad Conci-
lium congregati sunt, tenerentur, ter-
nos iudices de singulis Prouincijs eligi.
& electi sunt de Prouincia Carthagi-
nensi, Vincentius, Fortunatianus, &
Clarus. De Prouincia Numidia Aly-
pius, Augustinus, & Restitutus. De
Prouincia Bizacena cum Sancto Sene
Donatiano Primate Cresconius, Lucun-
dus, & Æmilianus. De Mauritania
Sitifensi Seuerianus, Asiaticus, &
Donatus. De Prouincia Tripolitana
Plautius, qui ex more Legatus vnus
missus est, qui omnes cum Sancto Sene
Aurelio vniuersa cognoscant. A quo pe-
tijt vniuersum Concilium, vt cunctis
sue gestis, quæ confecta iam sunt, seu
epistolis ipse subscribat, & subscripse-
runt. Aurelius Episcopus Ecclesie Car-

thaginensis huic decreto consensi, & prælecto subscripsi. Similiter & cæteri subscripserunt. Hoc caput secundi Mileuitani esse non potest, quia Concilium Mileuitanum secundum fuit Prouinciale Numidiæ, hoc caput, vt vides, est Concilij nationalis Plenarij ex quinque Prouinciis Africæ collecti. Concilio Mileuitano secundo non interfuit Aurelius Episcopus Carthaginiensis, qui tum Carthagine Prouinciæ suæ Concilium celebrabat, ex quo scripsit ad Innocentium Rom. Pont. vt ex eius ad Innocentium, & Innocentij ad eum litteris exploratum est; huic & interfuit, & præfuit. Concilio Mileuitano secundo præfedit Siluanus, qui litteras cum cæteris Episcopis Numidiæ scripsit ad Innocentium; Siluanus tamen in hoc decreto ne nominatur quidem: sed Aurelio Episcopo Carthaginiensi

28 DE APPELLATIONIBVS
scribendarum', & subscribendarum
epistolarum datur facultas. Quid
ergo Concilium istud habet com-
mune cum secundo Mileuitano?

XI. Eamus itaque in sententiam Ba-
ronij, qui ad annum Christi 416.
non minus verè, quàm liberè enun-
ciauit, hanc collectionem *esse unum
corpus ex diuersis membris compactum,
cuius caput, pedes, & reliqua membra
sint ex alijs diuersis corporibus compagi-
nata; quæ nisi quis accuratè perspexerit,
in ambages inextricabiles, & in
nodos insolubiles incidat, necesse est.*

XII. Omnino rectè, nisi excepisset ab
hac censura sua octo Canones con-
tra Pelagium, & vigesimum secun-
dum de Appellationibus ad Trans-
marina, quos in secunda Synodo
Mileuitana constitutos fuisse, arbi-
tratus est. Neque cōsiderauit, quanti
referat, concedere Ecclesiis particu-
laribus ius condendorum canonum

ECCLESIAE AFRICANÆ. 29
de fide, inconsulta Romana Sede;
quod nunquam licuit; nunquam
factū est. Maximè quum habeamus
litteras eius Concilij ad Pontificem
Innocentium, in quibus de Canoni-
bus à se constitutis, nulla mentio
fit, nulla eorum approbatio postu-
latur; res silentio non prætereunda
ab Apostolica Sede, si facta fuisset.
Iam ergo demōstremus (quod istius
controuersia caput est) hos Cano-
nes Mileui constitutos non fuisse;
sed quia id præstare non possumus,
nisi explicato progressu hæresis Pe-
lagiana, & eorum, quæ contra illam
in Ecclesia Catholica gesta sunt, de
his primo dicendum. Nolim verò
susplicari Lectorem, dum de Appel-
lationibus disputantem, de Hæresi
Pelagiana scripturum audit me, vt
in Prouerbio est, extra Chorum sal-
tare. Sed pro comperto habeat, &
causam Appellationum, & eius Ca-

30 DE APPELLATIONIBVS
nonem tantum luminis hinc habere, vt fateri necesse fit, nodum illum vno isto cuneo bene posse dissolui. Quùm enim Aduersarij hanc controuerſiam à Zosimo primum excitatam dicant Consulibus Honorio XII. & Theodosio VIII. postquam vidisset, quod Africa detrectaret subijcere iudicia sua Apostolicæ Sedi, figmentum huius fabulæ detegi melius non potest, quàm si testibus fide dignis probemus, vsq; ad annum illum, nullas intercessisse similtates iudiciorum causa inter Ecclesiam Romanam & Africanas. Id verò cumulatissime præstat sola causa Pelagianorum, quæ eo ipso anno à Zosimo Pontifice finita est. Ex eius enim progressibus Lector videbit, Africam, eo, & antecedentibus annis non modò nullas similtates habuisse iudiciorum causa cum Romana Sede, verùm sæpe

ECCLESIAE AFRICANÆ 31
inuitasse, rogasse, & pæne compul-
sisse Romanos Pontifices ad cog-
noscendum de iudiciis Synodo-
rum, cum suarum, tum alienarum
Prouinciæ. Videbit, agentibus
Africanis, non Episcoporum tan-
tùm, sed & Presbyterorum causas
ex alienis Prouincijs, summo Ec-
clesiæ vniuersalis consensu, tunc
Romam delatas. Et postremò vi-
debit, quicquid inuito Pontifice
constitutum iactatur, ideo & pro-
bante, & iubente in Africa factum
fuisse. Vt Prouidentiam Diuinam
admirari necesse sit, quæ ad dese-
gandos futuros impostores co ma-
xime tempore testatam esse volue-
rit subiectionem, & obsequium
Ecclesiæ Africanæ erga Romanam
Sedem, quo maxime futurum erat,
vt ei repugnasse, & ab illa defecisse
diceretur. Præter hanc verò, quæ
huius argumenti propria est, alia

32 DE APPELLATIONIBVS
erit vtilitas huius loci. Restituemus
scilicet vero Authori suo Canones
contra Pelagium, cui iam tot annis
non sine magno præiudicio tam
veritatis, quàm Apostolicæ Sedis
subrepti sunt, & vindicabimus à
grauissimis calumnijs famam Pon-
tificis Zosimi, quibus impostorum
artificio ita implicatur, vt vix, ac
ne vix quidem eum defendere pos-
sis. Sed rem aggrediamur.

XIII. Pelagius aduersus Ecclesiam
Christi de gratia bellum gesturus,
Hierosolymis, quæ præcipua gra-
tiæ arx est, domicilium delegerat
sibi, quòd, illâ occupatâ, occasio-
ne fidelium vndique confluentium,
orbem vniuersum facîle expugnari
posse, persuasum haberet. Cæte-
rùm per Catholicos maturè dete-
ctis eius consilijs, apud Eulogium
Episcopum Cæsareensem Prouin-
ciæ Palæstinæ Metropolitanum,
suæ

suæ hæreseos accusatus, Diospoli in synodo. 14. Episcoporum causam dicere coactus est. Ibi tamen pœnæ metu negans se eorum dogmatum assertorem, quæ eius nomine vulgabantur, partimque ore anathematizans errores, quos pertinax in corde gerebat, partim verbis ambiguis prauos animi sui sensus inuoluens, delusis iudicibus, absolutus est, & declaratus Catholicus. Rem ita tradiderunt Augustinus 2. Retractat. cap. 47. & toto libro de gestis Pelagij. Prosper libro de ingratissimis, & aduersus Collatorem.

Quinquennio fermè, antequam Pelagius Diospoli absolueretur, Cælestius eius discipulus, & antesignanus, Carthagine, à Paulino eius Ecclesiæ Diacono eodem nomine accusatus fuerat; & quùm errorem de peccato originali damnare nollet, damnatus est publico

XIV.

C

34 DE APPELLATIONIBVS
Episcoporum iudicio. Appellauit
quidem ipse à iudicio eius Synodi
ad Apostolicam Sedem; sed vbi cog-
nouit, quod Paulinus eius accusa-
tor Romam profecturus esset, &
causam prosequuturus, metuens sibi
ab Innocentio Pontifice mutauit
consilium, & Roma valere iussa, in

^a *Epist. Conc.
Carthag. ad
Innocent.*

^b *apud Baron,
ad annum 416.*

^a Asiam nauigauit. Appellasse Cæ-
lestium, & appellationem prose-
quutum non fuisse, narrat eius ac-
cusator, Paulinus in ^b libello, quem
scripsit ad Zosimum Innocentij
successorem. *Vbi tunc (apud Apo-
stolicam Sedem) nihil agere potui,
quia is, qui ad Sedem Apostolicam pro-
uocauerat, defuit, quem oportuerat
vique merita sua appellationis ad-
struere.*

XV. Vbi auditum in Africa, abso-
lutum fuisse, in Oriente Pelagium,
& declaratum Catholicum; Eccle-
sia illa tota turbari cœpit, quòd

fama ferret, Pelagium absolutum Diospoli, non quia damnasset hæresim, quam assererat, sed quia eius dogmata non pugnarent cum fide Catholica, contra quam Patres Carthaginienses iam pridem aduersus Cælestium iudicauerant. Hinc Pelagiani animos sumere, è latebris prodire, Patribus Africanis palàm insultare, & ad conciliandam sibi auctoritatem spargere, Dogmati Pelagiano graues assertores non deesse etiam in Ecclesia Romana, in qua ipsemet Summus Antistes Innocentius Pelagio eius Dogmatis author fuisset. Ita scripserunt quinque Episcopi ad Innocentium ipsum apud Augustinum epistol. 95. *Audiuimus enim esse in urbe Roma, ubi ille diu vixit, nonnullos qui diuersis causis ei faueant, quidam scilicet, qui vos talia persuasisse, perhibent.*

His rumoribus, quasi procellis XVI.

C ij

36 DE APPELLATIONIBVS
quibusdam, agitata in Africa Ca-
tholica fides, facilè periclitari pos-
se videbatur. quod his verbis ijdem
quinque Episcopi scribunt ad In-
nocentium. *Non agitur de vno Pela-
gio, qui iam forte correctus est (quod
utinam ita sit) sed de tam mulis, qui-
bus loquaciter contendentibus, & infir-
mas atque inruditas animas velut con-
uictas trahentibus, firmas autem, atque
stabiles ipsa contentione fatigantibus,
vsquequaque iam plena sunt omnia.*

XVII.

Rebus sic perturbatis, duo Con-
cilia Prouincialia ob Ecclesiasticas
causas in Africa conuocata fuêre,
vnum Carthagine, ex Prouincia
Proconsulari, alterum Milcui ex
Prouincia Numidiæ. Paulus Orosius
Presbyter Hispanus, quem Augu-
stinus ad Hieronymum miserat in
Orientem, tunc reuersus cum litte-
ris Hieronymi ad Augustinum, &
Herotis ac Lazari Episcoporum

Gallorum contra Pelagium, & Cæ-
læstium, ad Patres Africanos, Car-
thaginem appulit. Ibi quum Patres
conuocatos reperisset, & litteras
reddidit eis, & quanto vehemen-
tius potuit illos adhortatus est ad
tollendum è medio Pelagianif-
mum, contra quem Hieronymus
in Oriente classicum iam cecinerat.
Neque multis opus fuit ad persua-
dendum animis de remedio solici-
tis. Cæterum quod Patres solâ Ro-
manâ auctoritate id fieri posse scie-
bant, ad Romanum Pontificem
Innocentium vnanimis conuersi,
per litteras duo ab eo poposcerunt.
Vnum de Dogmate, vt illud ab
Ecclesia proscriberet: alterum de
persona Pelagij, & de iudicio Syno-
di Palæstinæ.

De Dogmate Patres Mileuitani **XV III.**
habent hæc verba. *Quia te Dominus*
gratia sua præcipuè munere in Sede
C. iij

Apostolica collocavit, talemque nostris temporibus præstitit, ut nobis potius ad culpam negligentiae valeat, si apud T. Venerationem, quæ pro Ecclesia suggerenda sunt, tacuerimus, quàm ea tu ponis, vel fastidiosè, vel negligenter accipere magnis periculis infirmorum membrorum Christi, pastorem diligentiam quæsumus adhibere digneris. Noua quippe hæresis, & nimium perniciofa tempestas surgere inimicorum gratiæ Christi capit. Et infra. Huius autem perniciosi erroris auctores esse perhibentur Pelagius & Calestius, quos quidem in Ecclesia sanari maluimus, quàm desperatâ salute, ab Ecclesia resecari, si necessitas nulla compellat. Et narrato statu & progressu hæreseos, subiiciunt, Sed arbitramur adiuvante misericordiâ Domini nostri Iesu Christi, qui te, & regere consulentem, & orantem exaudire dignatur, authoritati Sanctitatis tuæ, de sanctarum scripturarum authoritate de-

promptæ, faciliùs eos, qui tam pernicioſa, & peruerſa ſentiunt, eſſe ceſſuros, ut de correptione potiùs eorum congratulemur, quàm contriſtemur interitu. Quodlibet autem ipſi eligant, certè vel alij, quos plurimos poſſunt ſi ab eis diſſimuletur, ſuis laqueis implicare, cernit Sanctitas Tua inſtanter, & celeriter providendum. Hæc ſi conſiderentur, ſatis apertè indicare videntur, quòd nondum Pelagianismus publicè damnatus eſſet, nondum eius aſſeriores vniuerſim ab Eccleſiæ corpore ſeparati, ſed id, ut fieret, à Romano Pontifice, tunc primùm Mileuitanos Patres poſtulaffe.

XIX.

Morem geſſit Pontifex, poſt multa lectu digna ita reſpondens: Pelagium, & Cæleſtium, id eſt, inuentores vocum nouarum, quæ ſicut dixit Apoſtolus, ædificationis nihilum, ſed magis vaniſſimas conſueuerunt parere quæſtiones, eccleſiaſticâ communionem pri-

C iiij

40 DE APPELLATIONIBVS
uari, *Apostolicâ auctoritate censemus,*
donec resipiscant. & infrâ. Simul au-
tem præcipimus, ut quicumque id perti-
naciâ simili defensare nituntur, par eos
vindicta constringat. Si ita fieri præci-
pît, certè iam factum non fuerat. Ne-
que alibi opportunitas maior com-
memorandi anathematismos in Pe-
lagianos Mileui decretos, si extitif-
sent.

XX.

De persona verò Pelagij, & de
iudicio Synodi Palæstinæ, quid ab
Innocentio fieri voluissent, quinque
Episcopi, vtriusque Concilij capita
scribunt his verbis. *Aut ergo à Tua*
Veneratione acciendus est Romam, &
diligenter interrogandus, quam dicat
gratiam, quâ fateatur, (si tamen iam
fateatur) ad non peccandum homines
adiuuari. Ad hoc ipsum per litteras cum
eo agendum, & cum inuentus fuerit,
hanc dicere, quam docet Ecclesiastica &
Apostolica veritas, tunc sine ullo scri-

pulo Ecclesiæ, sine latibulo ambiguitatis absolendus est; Tunc est reuerà de eius purgatione gaudendum.

XXI.

Pelagius ipse, quòd optimè sciret, quæ nam essent partes Apostolicæ Sedis in Ecclesia Vniuersali, vsque ex Palæstina Romam miserat acta Synodi Diospolitanae, illius iudicij confirmationem exposcens ab Innocentio. Quod significat Innocentius ad superiorem epistolam quinque Episcoporum respondens his verbis: *Nobis tamen, nec persuaderi potest, esse purgatum, quamuis ad nos à nescio quibus laicis sint gesta perlata, quibus ille auditum se crederet, & absolutum: Quæ utrum vera sint, dubitamus, quod sub nulla illius Concilij prosecutione venerunt; nec eorum aliquas accepimus de hac re litteras. Quod si de sua ille potuisset purgatione confidere, hoc magis credimus, quod egisset, quod multò verius esse po-*

42 DE APPELLATIONIBVS

terat, ut illos cogeret epistolis suis, quæ iudicauerant, indicare. Et infra. Vnde non possumus illorum nec approbare, nec reprobare iudicium, cùm nesciamus, vtrum vera sint gesta, aut si vera sunt, illum constat magis subterfugisse, quàm se totâ veritate purgasse.

XXII. Noluit tamen Innocentius ex Oriente Pelagium Romam accire, vti voluissent Patres Africani; & cur noluerit, hanc eis rationem reddit. *Qui (Pelagius) si confidit, nouitque non nostrâ dignum esse damnatione; quòd dicat, iam totum hoc se refutasse quòd dixerat: non à nobis accersiri, sed ipse potius debet festinare, ut possit absolui. (ergo hæresiarcha Ecclesiæ reconciliari non poterat, vbi-
cumque terrarum esset, nisi per Papam) qui sequitur. Quòd si accersendus esset, ab ijs melius fieret, qui magis proximi sunt, (alludit opinor ad Patriarcham Antiochenum, in cuius*

Diœcesi Pelagius morabatur) & non longo terrarum spatio videntur esse disiuncti; sed non deerit cura, medicina præbeat ille materiam. Potest enim damnare quæ senserat, ac datis litteris erroris sui, ut regressum ad nos decet, veniam postulare.

Videre incipis Lector, opinor, quid sentiret tum temporis Africa de Potestate Papæ in Conciliorum iudicia, si appellaretur, dum hortatur Pontificem Innocentium, ut Pelagium ex Palæstina Prouincia Orientis Romam venire iubeat, de iudicio synodali eius Prouinciæ cognoscat, & nullo pacto causam hanc eo statu manere patiatur, quo ex iudicio Synodi erat. Et pariter vides, quid tunc de ea sentiretur in Oriente, vnde ab hæreticis ipsis synodaliū iudiciorū confirmatio ab Apostolica sede adeo sollicitè, & anxie postulatur, eaque constantiâ, quâ dico.

Postquam Pelagius cognouit quæ **XXIII.**

44 DE APPELLATIONIBVS
de eo, & eius erroribus decreuerat
Innocentius, constituit per litteras
ei purgare se, quod & fecit: sed dum
eius litteræ Romam ex Oriente fe-
runtur, Innocentius decedit è vita,
eique post paucos dies substituitur
Zosimus. Vnde contigit, vt litteræ
Pelagij ad Innocentium, non Inno-
centio, sed Zosimo traderentur.
Augustinus de pecc. origin. lib. 2. c.
17. *In litteris enim, quas Romam misit,
Pelagius, ad Beata memoria Papam In-
nocentium, quoniam cum in corpore non
inuenerunt, & sancto Papæ Zosimo da-
tae sunt, atque ad nos inde directæ,
dicit se ab hominibus infamari, &c.*

XXIV. Cælestius verò, siue quòd esset
audacior quàm Pelagius, siue quòd
meliora speraret à Zosimo quàm ab
Innocentio, non per litteras egit
causam suam, sed Romam venit
ipse, oblatóque fidei libello Ponti-
fici Zosimo, Catholici nomen &

communione restitui sibi poposcit. in cæteris quidem fidei capitibus libellus ille puram putam Orthodoxiam spirabat; in eis verò, quæ tangebant errores Pelagij, liberè ipse sensum detegebat suum: at eâ cautione, ut hæreticus iustè cenferi non posset. Enimverò adhibuit illi hanc Præfationem. *Si quæ verò præter fidem quæstiones natæ sunt, de quibus esset inter plerosque contentio, non ego quasi author alicuius dogmatis definitâ hoc auctoritate statui, sed ea quæ de Prophetarum, & Apostolorum fonte suscepi, vestri Apostolatus offerimus probanda esse iudicio. Ut si fortè, ut hominibus, quispiam ignorantia error obrepserit, vestrâ sententiâ corrigatur.* Refert hæc libelli verba Augustinus de pecc. Origin. lib. 2. c. 3. & 7. & contra Epist. Pelagian. lib. 2. c. 3. Propterea, inquit, libellus ille Catholicus dictus est, quia & hoc Catholica mentis est, si quæ

forte aliter sapit, quàm veritas exigit, non ea certissime definire, sed deserta, ac demonstrata respicere. Accedebat ad fauorem Cælestij, quod Zosimo interrogante Beati Papæ Innocentij litteris non est ausus obsistere, imo omnia, quæ sedes illa damnaret, damnaturum se esse promisit.

XXV.

Quia tamen, vt ibidem asserit Augustinus, negabat Cælestius, se damnare velle quæ ei obiecerat, Paulinus eius accusator, quæ tamen damnabat Apostolica sedes, tanquam phreneticus pugnancia dicere visus est: Propterea nihil de eo constituere voluit Zosimus, nisi consultis prius Patribus Africanis (à quibus Carthagine primùm damnatus fuerat; & apud quos potissimum exeruerat virus suum) quid agendum de illo. Essétne recipiendus, si anathematizaret errores, quos damnauerat Innocentius, eâ ipsa formâ,

quâ illos damnauerat; an potius articulatim eiurare deberet capita hæreseos, quæ ei obiecerat Paulinus Augustinus Con. 2. Epist. Pelagian. lib. 2. c. 3. *Et hoc ut plenius, & manifestius in eo fieret, expectabatur venturis ex Africa litteris, in qua Prouincia eius calliditas euidentius innotuerat. & de pecc. Origin. lib. 2. cap. 7. Interposito duorum mensium tempore, donec rescriberetur ex Africa, resipiscendi ei locus sub quadam medicinali sententiæ lenitate concessus est.*

Venerunt ex Africa litteræ expe- **XXVI.**
ctatæ: quare sequitur Augustinus lib. 2. de pecc. Origin. c. 7. *Sed postea quàm ex Africano Episcoporum Concilio rescripta directæ sunt, quid fuerit consequutum ut iustissimè in eum sententia proferretur, cuncta legite, quia cuncta transmisimus.* & lib. 2. Con. 2. Epist. Pelag. c. 3. *Quæ Romam litteræ post quàm venerunt, id continentes non suffi-*

cere hominibus tardioribus, & sollicitioribus, quòd se generaliter Innocentij Episcopi litteris consentire fatebatur, sed apertè eum debere anathematizare, quæ in suo libello praua posuerat, ne si id non fecisset, multi parùm intelligentes, magis in libello eius illa fidei venena à sede Apostolica crederent approbata, propterea quòd ab illa dictum fuerat, eum libellum esse Catholicum, quàm emendata propter illud, quòd se Innocentij Papæ litteris consentire responderat. Tunc ergo, quùm eius præsentia posceretur, ut certis, ac dilucidis responsionibus vel astutia hominis, vel correctio dilucesceret, se subtraxit, & negauit examini. Neque differendum iam fuerat, sicut factum est, quod alijs prodesset, si nimium peruersorum pertinaciæ dementiæque non posset. Litteræ igitur, quæ contra Cælestium ex Africa ad Zosimum datæ fuerunt, ex Concilio Africano datæ fuerunt. Earúmque summa erat, quòd

quòd Cælestius errores libelli sui articulatim damnaret ; quod quùm facere noluisse, ipse damnatus est.

Cum Cælestio damnatus fuit etiam magister eius Pelagius, neque profuit ei, quòd libellum fidei Catholico obtulit Zosimo, quem re-

XXVII.

fert Baronius ad annum 417. ut Apostolicâ auctoritate declaratus Catholicus hoc nomine tectus liberius grassari posset in gregem Christi. August. de pecc. Origin. lib. 2. c. 8. *Fefellit iudicium Palestinum, propterea videtur ibi esse purgatus: Romanam verò Ecclesiam, ubi eum esse notissimum scitis, fallere usque quaque non potuit, quamvis & hoc fuerit ut cumque conatus. Sed ut dixi, minime valuit. Recoluit enim Beatissimus Papa Zosimus quid imitandus præcessor eius de ipsis sentiret gestis. Attendit etiam quid de illo sentiret prædicanda in Domino Romanorum fides, quorum aduersus eius errorem pro*

D

50 DE APPELLATIONIBVS
*veritate Catholica studia consonantia
flagrâre cernebat, inter quos ille diu vi-
xerat, & quos eius dogmata latere non
poterant. Qui Cælestium eius discipulum
esse sic nouerant, ut fidelissimum, &
firmissimum possent de hac re testimonium
exhibere. Et commemoratis litteris, &
decretis Innocentij contra Pela-
gium, & Cælestium, subdit. Videtis
quid successor eius sanctus Papa Zosimus
recolere debuerit, sicut recoluit, ut in eo
sui præcessoris iudicium remotâ cuncta-
tione firmaretur? Atque ita causa Pe-
lagij, & Cælestij finita est, Zosimo
cum Patribus Africanis omnia com-
municante, omniâque summâ con-
sensione ex eorum voto gerente.
Quare Augustinus Pelagianis ca-
lumniantibus Zosimum præuarica-
tionis, lib. 2. cap. 3. cont. duas Epist.
Pelagian. nihil aliud in gratiam Cæ-
lestij Zosimum fecisse dicit, nisi
quòd ei concessit terminum ad resi-*

ECCLESIAE AFRICANÆ. si
piscendum, quousque de forma re-
conciliationis Patrum Africanorum
sententia Romam veniret, & præ-
tereà nihil. Tot enim, & tanis inter
Apostolicam Sedem, & Afros Episco-
pos currentibus, & recurrentibus scri-
ptis Ecclesiasticis, etiam gestis apud il-
lam Sedem Cælestio præsentè, & respon-
dente confectis, quam tandem Episto-
la venerandi Papæ Zosimi, quæ interlo-
quutio reperitur, ubi præceperit, credi
oportere, sine ullo vitio peccati originalis
hominem nasci? nusquam prorsus hoc
dixit, nusquam omnino conscripsit. A qua
calumnia frequenter vindicat eum,
vt lib. 1. con. Iulian. Pelag. c. 4. lib.
6. c. 12. & alibi.

Ex hac rerum serie ante omnia li-
berandus est Zosimus à grauissimis
Pelagianorum imposturis quas Ba-
ronius retulit in Annales ex quodam
manuscripto Vaticano. Augustinus
asserit, vt vidisti, Pelagium Eccle-

XXIIX.

D ij

siam Romanam fallere non potuisse, sed à Zosimo sine cunctatione ex iudicio, & epistola Innocentij; ex testimonio Romanorum; ex consuetudine, & disciplina Cælestij damnatum fuisse. Nihilominus Barionius ad annum 417. refert ex hoc manuscripto quandam epistolam Zosimi ad Patres Africanos, quâ Pelagium ex litteris, & libello Catholicum agnoscit, & arguit acerrimè Patres Africanos, quòd hærescos cum Cælestio cum damnauerint. *Quæ admiratio singulorum! inquit, vix fletu quidam se, & lachrimis temperabant. Tales etiam absolutæ fidei infamari potuisse? & infra. Sit vobis gaudium eos, quos falsi iudices criminabantur, agnoscere, à nostro corpore, & Catholica veritate nunquàm fuisse diuulsos. Et iterum. Quantum hæc uberior exultatio est fidei, non mortuos esse, nec periisse, de quibus falsa vulgata sunt?*

Damnat verò grauiſſimis nomini-
bus Herotem, & Lazarum, qui Pela-
gium, & Cæleſtium accuſauerant.

Eiuſdem farinae eſt alia epiſtola **XXIX.**

pro Cæleſtio; poſtquàm enim ei-
us author, qui fingitur Zoſimus, plu-
ſtra calumniarum congeſſit in He-
rotem, & Lazarum; poſtquàm im-
prudentiæ, & iniquitatis accuſauit
Patres Africanos, ſubiungit: *Vnde
in præſenti cauſa nihil præcox, imma-
turumque cenſuimus, ſed innotescere San-
ctitati Vestræ ſuper abſoluta Cæleſtij fide
noſtrum examen, cui etiam prior libellus
ab eo intra Africam, teſtimonio apud
nos eſſe debuiſſet, ne inexploratis, famâ-
que iactantibus tam facile crederetur.
Quare intra ſecundum menſem, aut ve-
niant, qui præſentem redarguant aliter
ſentire, quàm libellis, & confeſſione con-
texuit, aut nihil poſt hæc tam aperta, &
manifeſta quæ protulit, dubij Sanctitas
Vestra reſediſſe, cognoſcat.*

D iij

Vidisti supra ex Augustino, Cælestium non fuisse receptum à Zosimo, non eius fidem probatam, non negatos ab ipso errores, de quibus accusabatur, non euocatum ex Africa Paulinum, non Herotem, & Lazarum ex Gallia, ad prosequendam causam contra Cælestium termino duorum mensium, sed id temporis ei assignatum ad eiurandos errores ex formula præscribenda, de qua in Africam scriptum fuerat. Quid ergo huic Epistolæ cum veritate?

XXX.

Immo, quod deterius est, *Ipsum sanè Cælestium*, inquit, & quoscunque, qui eo tempore ex diuersis regionibus aderant, sacerdotes admonui, has tendiculas questionum, & inepta certamina, quæ non ædificant, sed magis destruunt, ex illa Curiositatis contagione profluere, dum unusquisque ingenio suo, & intemperanti eloquentia supra scripta abutitur. Cum in hac etiam magnorum virorum non

ECCLESIAE AFRICANÆ. 55
*nunquam cum ipsis auctoribus scripta
periclitantur post permultam temporis
miseriam interpretantis arbitrio. Vide-
tur mihi his verbis barbarè satis, &
obscurè curiositatis perstringere Ca-
tholicos, quasi scripta Pelagij & Cæ-
lestij, arbitrio suo malè interpreta-
rentur, ut ea cum auctoribus suis
in condemnationis periculum con-
ijcerent.*

Conuincitur autem falsi author
istarum Epistolarum, non tantum
Augustini autoritate, sed etiam
testimonio, & fide eiusdem Codicis
Vaticani. Ex eo nimirum Baronius
ad annum 418. refert libellum Pauli-
ni Diaconi Carthaginensis, quo im-
pellente ceciderat Cælestius, ad Zo-
simum Pont. cuius summa est, se
Zosimo gratias agere; quod Apo-
stolicâ autoritate damnasset Cæ-
lestium recusantem damnare errores
quos ipse illi ut accusator obiecerat,

XXXI.

D iij

se quoque non vocato. *Cuius sententiam* (de Innocentio loquitur) *sequuta Beatitudo Tua* , *Celestio* , cum à *Sede Apostolicâ* audiretur , inter cetera præcepit his verbis. *Damnas ergo illa omnia* , quæ in libello *Paulini* continentur ? hoc est de *questionibus* ? & alio loco : *Cognouisti* , quales litteras dederit *Sedes Apostolica* ad fratres , & *Coepiscopos Africanæ Prouinciæ* ? & adiectum : *Damnas illa omnia* , quæ damnauimus , & tenes , quæ tenemus ? & iterum : *Ilia omnia damnas* , quæ iactata sunt de nomine tuo ? & iterum , *Velea* , quæ in libello suo posuit *Paulinus* ? Et quum me diceret posse ex his , quæ illi obiecta sunt , hæreticum approbare , sancto repletus Spiritu , *Apostolicâ* authoritate respuisti , infanientis & calumniantis verba , huiusmodi proferendo sententiam , quâ ipse *Catholicus* approbaret , illum , si sanari vellet , curares , quæ huiusmodi est. Nolo , nos circumducas : *damnas illa omnia* , quæ tibi obiecta à

Paulino, siue per famam iactata sunt? Cui non sufficit ista sententia? quis hanc tam salubrem, tam amplectibilem, tam piam respueret alius, nisi qui à fide deuius est? Et ille, qui superius professus fuerat, se quæcunque illi obiecta fuerant, si contra fidem vindicares, esse damnaturum, audit, damna, & non solum non damnat, sed ad iniuriam tantam Sedis contendit. Vnde non ignorat iam Ecclesia Romana reum suum, qui tam audaci spiritu ausus est contradicere, & non damnare, quæ Beatitudo Tua damnari decreuit. Ego tamen Deo, & Christo Domino gratias ago, quod Ecclesie suæ causam ita agi voluit, ut Sedes Apostolica, à qua oportuit ore duorum Pontificum hæresim condemnari, ea damnanda præcepit, quæ à me Cælestio fuerant obiecta.

Narratio huius libelli fidem habet ab Augustino, qui lib. 2. de pecc. origin. cap. 7. referens acta Zosimi contra Cælestium, inquit: *Hanc Cæ-*

lestij præloquutionem (qua scilicet iudicio Sedis Apostolicæ se subiecerat) Venerabilis Papa Zosimus tenens, egit cum homine, quem falsæ doctrinæ ventus inflauerat, ut ea, quæ illi à Diacono Paulino fuerant obiecta, damneret, atque ut Sedis Apostolicæ litteris, quæ à sanctæ memoriæ suo Prædecessore manauerant, præberet assensum. At ille noluit quidem Diaconi obiecta damnare, sed B. Papæ Innocentij litteris non est ausus obsistere. Immo, se omnia, quæ Sedes illa damneret, damnaturum se esse promisit. Atque ita velut phreneticus, ut requiesceret tanquàm leniter fatus; à vinculis tamen excommunicationis nondum est creditus esse soluendus.

XXXII. Eiusdem characteris est tertia epistola Zosimi ad Africanos, relata ad annum 418. qua Cælestium ait condemnasse omnia crimina, quæ per rumorem falsò sibi dicebat illata, accusatores suos ultro de-

ECCLESIAE AFRICANÆ. 59
pōscens. Et placare studet Patres
Africanos, quasi sibi essent infensi,
quod Cælestio in omnibus adhi-
bisset fidem.

His artibus Ecclesiæ tunc illude- XXXIII.
bant Pelagiani. Vidisti primum In-
nocentio tributum, quod Pelagio
sui dogmatis author fuisset; Vidi-
sti nunc Zosimum præuaricationis
reum tabulis falsò obsignatis: eius-
dem criminis infamia asperserunt
Sixtum Romanum Presbyterum,
qui Cælestino postea in Pontifica-
tu successit. Quare Augustinus ep.
105. ad eum scribens. *Quod enim,*
inquit, fatendum est Charitati tuæ,
tristes eramus nimis, quum fama ioceta-
ret, inimicis gratiæ Christi te fauere: sed
ut hæc tristitia de nostris cordibus terge-
retur, primò te priorem anathema eis
in populo frequentissimo pronunciaſſe,
eadem fama non tacuit. Eodem no-
mine Pelagiani tandem criminati

sunt totum Romanum Clerum. qua de re August. con. 2. epist. Pelag. lib. 2. c. 3. *Quin etiam Romanos Clericos arguunt, scribentes, eos iussionis terrore perculsos, non erubuisse prauaricationis crimen admittere, ut contra priorem sententiam suam, qua gestis Catholico dogmati affuerant, postea pronunciarent, malam hominum esse naturam. Qui lingua, & calamo rumores istos spargebant, hi fuerunt illustrium illarum epistolarum architecti, quibus contra Patres Africanos de fide Pelagij, & Cælestij Zosimum sensisse, probatur. Qui si non finxerunt ipsi, saltem (ut consentanea loquuti viderentur) posteris suis ansam dederunt fingendi talia tunc vicissim contra Apostolicam Sedem gesta à Patribus Africanis, qualia in eiusmodi causis ab animis exulceratis prodire solent. Quod uti fecerint, videbimus loco suo.*

Id quidem magni obseruasse re- **XXXIV**
fert ad corpus totius controuersiæ:
cæterum ad indaginem authoris
Canonum contra Pelagium illud
speciatim, quòd duo Concilia ha-
bita fuerunt Carthagine huius hæ-
resis causa, vnum Honorio XI. &
Constantio iterum Consulibus; al-
terum plenarium anno sequenti,
quo Consules fuerunt Honorius
XII. & Theodosius VIII. De pri-
mo ex Augustino de pecc. origin.
lib. 2. c. 7. dicebamus supra, quòd
litteræ quas scripserunt Patres Afri-
cani Pontifici Zosimo de forma ser-
uanda in reconciliatione Cælestij,
datæ fuerunt ex Concilio Africano.
Eiusque Concilij meminit iterum
epist. 47. quicum, dicit, mittere se
inter cætera, quæ spectabant ad
Pelagianos, *id etiam, quod Papa Zo-
simo de Africano Concilio scriptum est.*
Quod distinguebat à Concilio-ple

62 DE APPELLATIONIBVS
nario anni sequentis, subiiciens. *Et
quod de posteriori Concilio plenario to-
tius Africæ contra ipsum errorem bre-
uiter constitutum est.*

• Prius celebratum fuit tempore
Autumni, si recte colligo. In exa-
mine enim Cælestij Zosimus præ-
scripsit ei terminum duorum men-
sium, quibus in Africam, & ex Afri-
ca, scriberetur. Libellus Paulini ad
Zosimum, quo fatetur, se ex Vrbe
litteras accepisse cum actis contra
Cælestium 4. Nonas Nouembris,
datus est Carthagine sexto Idus No-
uembris. Igitur mense Nouembri
Patres Africani Synodum Cartha-
gine celebrabant; & inde ad inter-
rogata Zosimi responderunt, vt ter-
mino præscripto causam Cælestij
terminare posset. Quare damnatio-
nem Pelagij, & Cælestij incidisse ne-
cesse est, vel in finem anni 417. vel in
initium 418. quibus nomina dedere

ECCLESIAE AFRICANÆ. 63
duo iam dicti Imperatoris Honorij
Consulatus. Et ideo hîc etiam Baro-
nium deserere coactus sum, qui
anno 418. Kal. Maij Pelagium, &
Cælestium Romæ damnatos putat :
Et certè illi refragantur apertè non
ea tantùm, quæ diximus, sed alia
etiam grauissima illorum tempo-
rum monumenta. Honorius Impe-
rator hoc anno prid. Kal. Maij Ra-
uennæ promulgauit sanctionem
quandam in Pelagianos, qua eos Vr-
be excedere iussit, & in ciuilibus ha-
beri tanquam hæreticos ; non ta-
men ille id fecit, nisi postquam de
Zosimi iudicio, ex eius litteris cer-
tior factus est, si fides adhibeatur
tunc viuenti Possidio, qui in vita
Augustini hanc rem ita narrat. *At illi*
tantæ Sedis Antistites (Innocentius &
Zosimus) suis diuersis temporibus eos
notantes, atque à membris Ecclesiæ præ-
cidentes, datis litteris ad Africanas,

64 DE APPELLATIONIBVS
Orientis, & Occidentis Ecclesias, eos
anathematizandos, & deuitandos ab
omnibus Catholicis censuerunt. Et hoc
tale de illis Ecclesiæ Dei prolatum iudi-
cium etiam Pijssimus Imp. Honorius
audiens, ac sequens, suis eos legibus dam-
natos inter hæreticos haberi debere con-
stituit. Si ergo Imperator Rauennæ
constitutus damnat Pelagianos,
postquam ad eum Zosimi litteræ,
quibus ab Ecclesia vniuersa proscri-
bebantur, ex Vrbe allatæ sunt, &
damnat tamen prid. Kal. Maij;
quomodo Kalendis Maij Romæ
damnati fuere? Ad hæc. Canones
contra Pelagium Carthagine de-
creti non sunt, nisi postquam Pa-
tres Africani de damnatione Pela-
gij, & Cælestij Romani Pontificis
litteras acceperunt. Idque satis per-
spicuè indicare arbitror Augusti-
num, dum epist. 47. ordine refert
gesta omnia contra Pelagium, his
ipsis

ipsis verbis : *Quod scriptum est ad Papam Innocentium Romanæ Urbis Episcopum de Concilio Provincia Carthaginensis, & de Concilio Numidiæ, & aliquantò diligentius à quinque Episcopis, & quæ ipse ad tria ista rescripsit. Item quod Papæ Zosimo de Africano Concilio scriptum est, eiusque rescriptum ad universos totius Orbis Episcopos missum. Et quod posteriori Concilio plenario totius Africae contra ipsum errorem breviter constituimus. Postremis verbis Canones contra Pelagium indigitari, nemo, opinor, negaverit. Quos constitutos fuisse Carthagine Kal. Maij Consulibus Honorio XII. & Theodosio VIII. omnes Codices vno consensu testantur. Non ergo Romæ damnati fuerunt Pelagius, & Cælestius Kal. Maij, si Kal. Maij Carthagine anathematismi in eorum errorem constituti fuere, postquam litteræ Papæ Romæ in Afri-*

66 DE APPELLATIONIBVS
cam delatæ, de eorum damnatione
Patres Africanos certiores reddide-
rant.

XXXV Itaque Pelagianorum res proces-
serunt hoc ordine. Zosimus scripsit
ad Africanos mense Octobri. Re-
sponderunt illi mense Nouembri.
Rei damnati sunt circa initium Ia-
nuarij. Zosimus post de eorum dam-
natione scripsit ad Africanos, & ad
Imperatorem. Mense Aprili Patres
Africani, acceptis Zosimi litteris
Carthagine congregantur; ibique
Kal. Maij constituunt octo Cano-
nes, de quibus nunc disputamus,
contra octo capita erroris Pelagij
Romam mittendos, vt approba-
rentur. Pridie eius diei Imperator
Rauennæ, eam sanctionem pro-
mulgat, quam dicebamus. Et tan-
dem Canones Carthaginienses Ro-
mam missi probantur, & cum re-
scripto Zosimi ad Africanos ab eo

ad omnes Catholicos Episcopos diriguntur, vt semel Pelagianismus ab Vniuersa Ecclesia proscribatur, vt factum est. Quare Prosper in Chronico ad hunc annum. *Concilio apud Carthaginem habito CCXVII. Episcoporum ad Pontificem Zosimum synodalia decreta perlata, quibus probatis per vniuersum Orbem hæresis Pelagiana damnata est.* Et de Ingratis Africam alloquens,

*Conuenere tui cunctis ex urbibus Almi Pontifices, geminoque senum celeberrima
cætu*

Decernis, quod Roma probet, quod Regna sequantur.

His Carminibus allusum putat Baronius ad Concilia Mileuitanum, & Carthaginienſe sub Innocentio, sed fallitur. Illa enim non fuerunt plenaria Africæ vniuersæ, sed Prouincialia Numidiæ, & Carthaginensis: & ideo Prosper de illis dicere non

potuisset. *Conueneret tui de cunctis urbibus Almi Pontifices.* Neque illorum, sed istorum decreta, cum approbatione Pontificis, Regum constitutio sequuta est. Falsò propterea de illis cecinisset. *Decernis quod Roma probet, quod Regna sequantur.* Quò pertinet etiam quod scribit contra Collectorem, *Pelagianorum machinas tunc fractas esse, quando Africanorum Conciliorum decretis Beatæ Recordationis Papa Zosimus dexterae suæ robur adnexuit, & ad impiorum detractionem gladio Petri dexteræ omnium armauit Antistitum.* Quare Canones Carthaginieneses robur suum habuerunt, cum à Rescripto Zosimi, quod eos præcessit, tum ab eiusdem approbatione, quæ illos sequuta est. Epistolam verò Zosimi ad vniuersos totius Orbis Episcopos, qua Canones approbati fuerunt, insignem fuisse, testes sunt,

qui eam cum laude commemorant,
 Aug. ep. 47. & de pecc. origin. c. 22.
 Cælestius epist. ad Episcopos Gal-
 liarum, & Gennadius de Eccl. Dog-
 mat.

Iam ergo colligamus, quæ de hac XXXVI.
 causa hæctenus dicta sunt. Cæle-
 stius damnatus in Synodo Cartha-
 ginienſi appellat Romanam Sedem;
 Pelagius petit ab ea ex Oriente con-
 firmationem iudicij Synodi Palæ-
 stinæ; Patres Africani Romam mit-
 tunt gesta sua contra Cælestium, &
 rogant Pontificem, vt proſcribat
 hanc hæresim ab Vniuerſa Ecclesia,
 vt Pelagium ex Oriente Romam ad
 causam dicendam accersat, vt reuo-
 cet iudicium Synodi Diospolitanae,
 qua ille absolutus fuerat. Cælestius
 ex Asia Romam proficiscitur, vt à
 Pontifice restituatur ad commu-
 nionem contra iudicium Synodi
 Carthaginienſis, eiusque iudicio

70 DE APPELLATIONIBVS
subijcit omnia scripta sua. Agenti-
bus Africanis cū Pelagio damnatur
à Zosimo, & exinde per vniuersum
Orbem ambo damnati censentur.
Patres Africani sequentes iudicium
Zosimi in Synodo plenaria varios
canones formant, eosque eiusdem
Pontificis iudicio, & arbitrio sub-
ijciunt, à quo confirmantur. Est
igitur causa hæc, quasi speculum
quoddam, in quo intuearis, quàm
præclarè Ecclesia Africana sentiret
de Potestate Pontificis in sua iudi-
cia vsque ad annum 418. quo iam
mediante ad exitum perducta fuit.
Et vnde consequenter colligas, an
Zosimus anno illo causam vllam
habere potuerit mittendi in Afri-
cam Canonem Sardicensem pro
Nicæno, vt eam sibi subiectam esse
probaret. Figmentum, quod tantò
improbabilius esse cognosces, quan-
tò euidentius exemplis aliis infra

ECCLESIAE AFRICANÆ. 71
demonstrabo ; Africam annis illis
passim, & de plano missitasse appella-
tiones suas ad Apostolicam Se-
dem. Quia tamen nunc id non que-
rimus, at illud vnum : An in Conci-
lio Mileuitano Canones contra Pe-
lagium editi fuerint ; vt inde con-
stet, insciōne, an volente, & iubē-
be Romano Pontifice Canon de
Appellationibus ad Transmarina
decretus sit. Ideo hoc vnum licet
probatum satis testimonijs alijs ad-
huc est illustrandum, vt quoad fieri
potest, inueteratus error de Au-
thore horum Canonum ab om-
nium animis penitus euellatur.

Prosper in responsione ad capi-
tula Gallorum, c. 8. de ijs Canoni-
bus loquens : *Cum ducentis quatuor-*
decim sacerdotibus, inquit, *quorum*
Constitutionem contra inimicos gratia
Dei totus mundus amplexus est, *veraci*
professione, quemadmodum eorum habet

E iiij

72 DE APPELLATIONIBVS
sermo, dicamus. Gratiam Dei, & c. Et
contra Collatorem: Errauerunt 214.
Sacerdotes, qui in epistola, quam suis
Constitutionibus prætulerunt, ita Apo-
stolicæ Sedis B. Antistitem Zosimum
sunt alloquuti: Constituimus, & c. Si
Canones contra Pelagium, quos
Constitutiones appellat, decreti
sunt tempore Zosimi, & à 214. Epi-
scopis, certè in secundo Mileuita-
no decreti non fuère. Mileuita-
num scilicet secundum habitum est
sub Innocentio, non sub Zosimo;
Eique interfuerunt Episcopi non
214. sed sexaginta tantum, ut ipsi
in epistola sua ad Innocentium, edi-
tis singulorum nominibus, profi-
tentur.

XXXVII. Rursum Carmine de Ingratis
idem Author de his Canonibus lo-
quens, qui, ut ante dixerat, Romæ
probatierant, subiicit,
Condita sunt, & scripta manent, quæ de

Cataractis

*Æterni fontis fluxêre , undante meatu,
Et tercentenis Procerum sunt edita
linguis.*

Ducentos, & quatuordecim Patres
per synecdochen tercentenos di-
cere potuit ; at sexaginta , nequa-
quam.

Si hæresis Pelagiana constitutis XXXIIX.

• Canonibus , prius Mileui , quàm
Romæ damnata fuisset, falsò de illa
Prosper eodem libro dixisset :

*--- Pestem subeuntem prima recidit
Sedes Roma Petri, quæ Pastoralis hono-
ris*

*Facta Caput Mundo, quicquid non pos-
sudet armis,*

Relligione tenet.

Cælestinus primus R. P. Epistola XXXIIX.
ad Episcopos Galliarum scribens
contra Pelagianos cap. 10. inquit. *Il-
lud etiam quod intra Carthaginiensis
Synodi decreta constitutum est, quasi pro-*

74 DE APPELLATIONIBVS

prium Apostolicæ Sedis amplectimur, quod scilicet tertio capitulo definitum est. Vt quicumque dixerit, gratiam Dei, qua iustificamur, &c. refertque ad verbum can. 3. Collectionis Mileuitanæ, & subdit: Et iterum 4. capitulo, ut si quis dixerit, gratiam Dei per Iesum Christum propter hoc tantum nos adiuvare; & refert quartum canonem illius Collectionis, & tandem quintum, semperque Carthaginienfis nomine, nunquam Mileuitani. Quùm verò Cælestinus Pontificatum inierit anno Christi 423. verisimile non est, quòd ignorauerit, verum Authorem Canonum, quos citabat, siue constituti fuissent sub Zosimo, siue sub Innocentio. Maxime quod habebat gesta vtriusque Pontificis, & vtriusque Concilij in hac causa, eaque in hac eadem Epistola ex eorum authenticis proprijs illorum verbis referebat.

Concludamus hunc locum omnium antiquorum Codicum testimonio. In epitome Canonum Ecclesiæ Africanæ, quam Hadrianus primus dedit Carolo Magno, octo Canones contra Pelagium habentur hac nota. *Octo capita, quæ sequuntur in Carthaginensi Concilio sub Anathemate statuta sunt.* In corpore Canonum Ecclesiæ Africanæ, quod lectum est Carthagine in Concilio Africae plenario post Consulatum Honorij XII. & Theodosij VIII. habentur ad verbum in Concilio Carthaginensi anni præcedentis, non in aliquo Milcuitano. Ibi tamen referuntur cum decretis suis omnia Concilia, quæ in Africa habita fuerant tempore Aurelij Episcopi Carthaginensis. In Collectione vulgarata totidem verbis leguntur in Concilio Africae plenario Honorio XII. & Theodosio VIII. Coss. Photius

76 DE APPELLATIONIBVS
 in Bibliotheca, hanc Synodum Car-
 thaginiensem legisse, se dicit, cum
 his Canonibus contra Pelagium &
 Cælestium. Binius tomo secundo
 Conciliorum, asserit illos ad idem
 Cōcilium referri in vetusto quodam
 Codice Monasterij S. Bauonis in Gá-
 dauo, & in Codice impresso Mo-
 guntia anno 1525. iuxta exemplar
 vetustissimum Monasterij Vinto-
 nienfis. Si quis ergo, his considera-
 tis, propter vnam illam Collectio-
 nem Canones contra Pelagium Mi-
 leuitanos, & non Carthaginienses
 appellare pergat, hunc ego dixerim
 humanam fidem pensi non habere.
 Hæc de octo Canonibus in Pela-
 gium satis. Iam etiam de Canone
 Appellationum ad Transmarina di-
 cendum aliquid est.

XLI. Quùm Canon ille, quòd Mileui
 decretus sit, aliunde fidem non ha-
 beat, quàm ab ista malè concinnata

Collectione, neminem fore arbitror, qui cognita huius vanitate, eum post hac Mileuitani nomine appellare non erubescat. Neque hoc nomine eum edidisset vnquam author illius Collectionis, si considerasset, quòd Concilium Mileuitanum Primum fuit quidem plenarium Africæ; at in eo talis Canon editus non fuit, vt ex Codice Canonum Africanorum videre est. In secundo verò constitui non potuit; quia fuit Prouinciale; & res quæ ad totam Africam attinebat, tractari non poterant in Concilijs Prouincialibus, sed in plenarijs tantum. Qua, vel lege, vel consuetudine Patres Africani in quodam Concilio Hipponensi, excitati sunt ad constituendum, vt propter publicas causas quotannis celebraretur Concilium Africæ plenarium nunc in vna Prouincia, nunc in alia: Et quo

78 DE APPELLATIONIBVS
Canone Vincentio, & Flauita Con-
sulibus Carthagine, in Concilio ple-
nario Patrum Africanorum Numi-
diæ Concilium plenarium, sibi po-
poscerunt, sed non impetrarunt, vt
constat ex eius Concilij Canone 19.
Immo in altero Concilio Carthagi-
niensi Honorio VII. & Theodosio
II. Consulibus, illum Canonem ab-
rogare opus fuit, vt docet hic Ca-
non, qui in corpore Africanorum
est 95. *Quoniam Constitutum fuerat in
Concilio Hipponensi, vt singulis annis
traheretur Concilium Africae plenarium,
non tantum hic apud Carthaginem, ve-
rum etiam per diuersas preuincias suo or-
dine, & hoc reſeruatum est, vt indicare-
mus aliquando in Numidia, aliquando
in Bizacio. At quoniam hoc laboriosum
omnibus fratribus visum est, placuit, vt
non sit ultra fatigandis fratribus anni-
uersaria necessitas, sed quoties exegerit
causa communis, id est, totius Africae.*


undecumque ad hanc Sedem datae littere fuerint, congregandam esse Synodum in ea Prouincia, ubi opportunitas persuasuerit. Cause autem, quæ communes non sunt, in suis Prouincijs iudicentur. Stante hoc Canone, quis appellationes ex Africa ad Transmarina in secundo Mileuitano prohibitas dicere auserit? Si verò in hoc Concilio Canon de Appellationibus ad Transmarina sanciri non potuit, quia hæc erat causa communis, & Concilium erat Prouinciale; quanto minus in eo decerni potuerunt Canones contra Pelagium de fide, qua causa nulla communior? Si ergo in nullo Concilio Mileuitano constitutus fuit hic Canon, reliquum est, ut Carthagine decretus sit, vel Consulibus Honorio XII. & Theodosio VIII. vel anno sequenti, vel demum utroque anno; ad vtriusque enim anni Concilia refertur in Codice Cano-

80 DE APPELLATIONIBVS
num Ecclesiæ Africanæ. Qua men-
te, quo iure, qua causa, cuius im-
pulsu, iam dicere aggredior.

*Canonem de Appellationibus Ecclesiæ Africa-
na ad Transmarina, scientibus, & iubenti-
bus Romanis Pontificibus editum fuisse. Ex
quo, cum ceteris, qui obijciuntur, probatur,
quod Ecclesiæ Africana tunc agnoscebat,
& profitebatur subiectam esse se Romanæ
Sedi.*

CAP. III.

I.

ONSULIBVS Honorio
XII. & Theodosio VIII.
secundum Concilium A-
fricæ plenarium contra Pelagianos
Carthagine celebratum fuisse, satis
ostensum est capite præcedenti. Ple-
narium aliud celebratum fuisse men-
se Maio insequentis anni contro-
uersiæ de Appellationibus Eccle-
siæ Africanæ ad Romanam Sedem
fama

fama celebre, iam inter omnes constare videtur. Cui nescio qua ratione à Collectoribus antiquis Carthaginienſis ſexti nomen impoſitum eſt. Huic interfuerunt Legati tres Apoſtolicæ Sedis, Fauſtinus Epiſcopus Potentinus, Philippus, & Afellus E. R. Presbyteri, vt acta teſtantur. In vtroque Concilio Canones decreti fuerunt, in priori XIX: in poſteriori tres, & triginta, & in vtroque Canon de Appellationibus ad Tranſmarina, qui in priori eſt decimus ſeptimus, in poſteriori duodeciſimus. Prioris Concilij Canones Romam ab Africanis ad Zoſimum miſſos, vt probarentur, & probatos fuiſſe, latè monſtratum eſt capite præcedenti: Canones verò Concilij poſterioris deſiderantur quidem in vulgata; eos tamen habebant Collectiones antiquæ, vt videre eſt in epitome Canonum Afri-

canorū, quæ ante octingentos annos ab Hadriano primo data dicitur Carolo Magno, & sunt etiam in eo exemplari, quod ex antiquis manuscriptis publicauit Christophorus Iustellus anno 1615. typis Parisiensibus. In quo tamen nonnulla defunt, quæ habebat exemplar Hadriani, & ea omnia consideratione digna, quum ex illis euidentissimè constet, Canones istos, volente, & iubente Pontifice constitutos fuisse. Primum post triginta tres Canones in eo Concilio decretos, sequuntur subscriptiones, & approbationes Patrū, quas non habet Iustellus; sunt tamen etiam in duobus manuscriptis Vaticanis, in quibus ego eas legi his verbis conceptas: *Aurelius Episcopus huic schedæ à nobis relectæ subscripsi. Faustinus Episcopus Ecclesiæ Potentina Præuincia Italiæ Piceni Legatus Ecclesiæ Romanæ huic schedæ subscripsi. Philip-*

pus, & Asellus Presbyteri Romanae Ecclesiae Legati, his gestis subscripsimus per nos relictis & directis. Augustinus Episcopus Hippone Regij Legatus Concilij Numidiae huic chartulae pro me, & eodem Concilio subscripsi, & reliqui Episcopi CCXIII. diuersarum Prouinciarum subscripserunt, qui in Carthaginensi Concilio conuenerunt.

Ex verbis *Schedae, & chartulae*, quibus Patres utuntur, colligere licet, peculiari subscriptione, & approbatione confirmatos fuisse Canones istos seorsim ab alijs, qui in alijs Concilijs constituti in eodem Concilio lecti fuere. Ad calcem enim Codicis Canonum Ecclesiae Africanæ, qui ibi lectus est, alijs subscribunt verbis, ut, *Aurelius Episcopus his gestis statutorum apud nos habitis subscripsi.* Reliqui Patres etiam, *gestis*, dicunt, non *Schedae*, vel *chartulae*.

Maximè verò. consideratione di-

II.

F ij

84 DE APPELLATIONIBVS
gna sunt, verba Presbyterorum Legatorum, qui dicunt : *Hus gestis subscripsimus, per nos relictis, & directis.* Ex eis enim, nisi proterius esse velis, fateare, necesse est, Schedam, cum his Canonibus Româ à Pontifice per Legatos Carthaginem missam, ibique ab eis manu Patrum obfignatam, relictam fuisse.

III. Habet præterea exemplar Hadriani Præfationem hanc. *Post Consulatum Honorij & Theodosij Augustorum VIII. Kal. Iunias Carthagine in secretario Basilicæ Fausti, cùm Aurelius Papa, una cum Legatis Romanæ Ecclesiæ, Faustino Episcopo Ecclesiæ Potentinæ Prouinciæ Picenæ Italia, & Philippo, & Asello Presbyteris; nec non cùm Augustinus Hipponensis Episcopus, & reliqui CCXVII. Episcopi consedissent, primum recitato Commonitorio, quod Zosimus Papa ad prædictos Legatos direxit, deinde etiam XX. Capitulis Ni-*

ECCLESIAE AFRICANÆ. 86
cani Concilij recitatis ; ut superius de-
scripta inueniuntur ; Communi decreto
statuerunt Capita XXXVII. quæ sub-
sequuntur. Quare neque à Patribus,
Legatis reluctantibus, neque à Lega-
tis, Patribus inuitis, sed communi
omnium decreto in hoc Concilio
Canones isti constituti fuêre.

Anno superiori vidimus (repe-
renda enim sunt , quæ necessaria
sunt) Constitutiones, & decreta du-
centorum quatuordecim Patrum
(quibus inferitur etiam Canon iste)
Carthagine Romam ad Zosimum
pro confirmatione missa fuisse ,
quam impetrarunt ; Vidimus Pon-
tificem Innocentium ab Africanis
inuitatum , & penè compulsam , ad
cognoscendum de iudicio Synodi
Palæstinæ in causa Pelagij. Vidimus
Patres Africanos mittere gesta Con-
cilij Carthaginiensis Romam con-
tra Cælestium , & ad sydera tollere

IV.

F iij

86 DE APPELLATIONIBVS
Zosimum, quòd eum condemnarit.
Et quod caput est, in his omnibus
vidimus inter vtramque Ecclesiam
pacem tantam, concordiam tantam,
vt vtriusque videretur cor vnum, a-
nima vna. Ecquis, obsecro, sibi per-
suaderi patiatur, hoc rerum statu
fuisse contentionem vllam de Iuris-
dictione Romanæ sedis in Africana
iudicia? Presbyter fuit Pelagius, Pre-
sbyter Cælestius, vnus absolutus
Diospoli, alter condemnatus Car-
thagine, & vterque in Synodo. Ad
vtriusque tamen iudicium Africa
compulit duos Romanos Pontifices
miris laudibus vtrumque prose-
quuta: Et eo ipso in loco, eo ipso in
confessu, quo & non factum fieri
postulat, & factum commendat, eo
ipso, inquam, id tanquam iniquè
factum prohibuerit? Damnat quod
petit? prohibet, quod commendat?
iniquè fert, quod desiderat? Non

fert animus de sapientissimis illis Patribus cogitare huiusmodi absurda, & indecora. Si Canon de Appellationibus ad Transmarina in Romanam Sedem constitutus fuisset; adeone iurium suorum prodigus fuisset Zosimus, ut eum in vno Concilio confirmaret, in altero Legatis tribus de industria Romam Carthaginem destinatis cum Scheda, & chartula, hoc vnum curasset, ut Africanorum Patrum authoritate sanciretur? Sunt paradoxa, quæ nemo sanus crediderit. Quando ergo fieri nequit, ut Canon contra Romanam Sedem dirigatur, quid sibi velit, dicamus.

Antiqua consuetudine receptum erat in Africa, ut Presbyteri, & alij Clerici ordinum inferiorum non prouocarent ab Episcopis suis ad Apostolicam Sedem, sed ad Concilia Prouinciarum suarum, quæ ob

V.

88 DE APPELLATIONIBVS
huiusmodi causas bis celebrabantur quotannis. Quòd si & à Concilijs prouocandum putassent, tunc liberum erat eis adire Romanam Sedem, quòd ei subesset Africa, non tantùm iure supremi Primatus, sed etiam iure Patriarchali. At iudicia Synodorum Prouincialium nulla ratione eis declinare licebat. Episcopi verò, (quorum dignitas maior) arbitrato suo poterant, aut stare iudicio Conciliorum Africæ, aut illis præteritis immediatè causas suas deferre ad Apostolicam Sedem. Circa Annum Domini 306. Cæcilianus Presbyter Carthaginensis, illa Sede vacante, ad Episcopatum electus, à Felice Episcopo Autunitano consecratus fuerat. Cæterum factione Lucillæ fœminæ pecuniosissimæ, quæ ab illo, dum Diaconus esset, correpta, immortale odium in beatum virum conceperat, excitata est con-

trouersia de eius ordinatione, accusato Felice quòd traditor fuisset. Hac de causa conuocatum fuit Carthagine Concilium Episcoporum septuaginta, cui præsidebat Secundus Tigisitanus Numidiæ Primas, Lucillæ addictissimus. Vocatus in iudicium Cæcilianus cum Felice, non comparuit; damnatus ideo fuit, & suffectus in eius locum Maiorinus, qui gratia Lucillæ cæteris antistabat. Et hinc originem habuit schisma Donatistarum. Sanctus Augustinus Epist. 162. considerans factum Cæcilianiani, cum iure egisse, ait, iniuriâ Secundum, & causam reddit his verbis. *Secundus, si veræ pacis custos esse voluisset, cauere debuit, ne damnarentur absentes, qui iudicio eorum omnino interesse noluerunt. Neque enim de Presbyteris, aut Diaconis, aut inferioris ordinis Clericis, sed de Collegis agebatur, qui possunt aliorum Collegarum,*

Et præsertim Apostolicarum Ecclesiarum iudicio causam suam integram reservare. Vbi contra eos sententiæ dictæ in absentes nullo modo aliquid valerent, quando eorum iudicium non primo aditum postea deseruerunt, sed suspectum semper habitum nunquam adire voluerunt. Immo quasi de re absurda Donatistas redarguens; An fortè, inquit, non debuit Romana Ecclesia Melciades Episcopus cum Collegis Transmarinis Episcopis, illud sibi usurpare iudicium, quod ab Afris septuaginta, ubi Primas Tigistanus præsedet, fuerat terminatum?

VI.

Et frequentissimas fuisse tempore suo prouocationes Episcoporum Africanorum ad Romanam Sedem, luculentissimè testatur idem Sanctus epist. 262. ad Bonifacij successorem Cælestinū R. P. cuius epistolæ argumentum hoc est. Antonius Episcopus Fusalensis in Syno-

do Prouinciali Numidiæ priuatus regimine, sed non titulo Ecclesiæ suæ, Bonifacium R. P. appellaue-
rat, acceptisque commendatitiis à Primate Numidiæ Romam profe-
ctus fuerat. Sed Bonifacio mortuo,
antequàm causa finiretur, integra
relicta est eius successori Cælestino,
cui hanc epistolam scribit Augu-
stinus, quo iudicante Antonius
damnatus fuerat. Et quia appellans
dixerat: *Aut in mea Cathedra sedere
debui, aut Episcopus esse non debui*; ei
respondens Augustinus, inquit:
*Existat exemplo, ipsa Sede Apostolica
iudicante, vel aliorum iudicia firmante,
quosdam pro culpis quibusdam, nec Epi-
scopali spoliatos honore, nec relictos om-
nimodis impunitos: quæ ut à nostris tem-
poribus remotissima non requiram, re-
centia memorabo. Clamet Priscus Pro-
uinciæ Casariensis Episcopus, aut ad
Primatus locum sicut cæteris & mihi*

92 DE APPELLATIONIBVS

patere debuit, aut Episcopatus mihi remanere non debuit. Clamet alius eiusdem Prouinciæ Victor Episcopus, cui relicto in eadem pœna, in qua Priscus fuit, nusquam nisi in Diœcesi eius ab alio communicabatur Episcopo; clamet, inquam, aut ubique communicare debui: aut etiam in meis locis communicare non debui. Clamet tertius eiusdem Prouinciæ Laurentius Episcopus, & prorsus huius vocibus clamet: aut in Cathedra, cui ordinatus sum, sedere debui, aut Episcopus esse non debui. Vides itaque ex Augustino, primùm frequentissimè tum temporis Episcoporum iudicia ex Africa deferri consueuisse ad Romanam Sedem. Si enim vñica Prouincia tot suggererat exempla recentia, eaque vniformiter iudicata; quot suggellisse putas Africam totam, si superiora tempora repeterentur, & vniuscuiusque generis iudicia? Vides præterea Epi-

scopis Africanis liberum fuisse, vel
omissis iudicijs Africæ Romanam
Sedem adire, vel post iudicia Afri-
cæ ad eam prouocare. Et ideò in
hac Epistola, inquit, *existat exemplo
ipsa Sede Apostolica iudicante, vel alio-
rum iudicia firmanse.* Priuilegium,
quo non fruebantur Presbyteri, &
cæteri ordines inferiores, quare in
priori epistola dixerat. *Neque de
Presbyteris, aut Diaconis, aut de infe-
rioris ordinis Clericis, sed de Collegis
agebatur, qui possunt aliorum Collega-
rum, & præsertim Apostolicarum Ec-
clesiarum iudicio causam suam integram
reseruare.*

Hic mirari necesse est, frontem VII.
Marci Antonij de Dominis, qui lib.
4. c.8. num. 35. dicere non erubuit,
huiusmodi iudicia deferri consue-
uisse ex Africa Romam, non iure
ordinario, sed ex commissione, &
delegatione, Quod (ne grauius quid

94 DE APPELLATIONIBVS
dicam) quàm alienum à veritate sit,
Augustinus iam docuit. Fateor
equidem, ita factum fuisse à Mel-
ciade in causa Cæciliani, sed aliud
est, quod fecit, aliud quod facere
potuit, si voluisset. Repete verba
Augustini. *An forte non debuit Roma-
na Ecclesiæ Melciades Episcopus cum
Collegis Transmarinis Episcopis illud sibi
usurpare iudicium, quod ab Afris sep-
tuaginta, ubi Primas Tigisitanus præ-
sedet, fuerat terminatum? quid quod
nec usurpauit? Rogatus quippe Impera-
tor, iudices misit Episcopos, qui cum eo
sederent, & de tota illa causa, quod ius-
tum videretur, statuerent. Poterat
igitur Melciades Augustino teste,
etiam citra consensum Constantini
causam illam sibi vindicare; quod
tamen non fecit.*

VIII. Hæc quùm ita sint, dicamus, ne-
cesse est, fuisse in Africa ex ordi-
nibus Presbyterorum, & Clerico-

rum inferiorum homines, qui antiquo iure neglecto, aspirarent ad priuilegia propria Episcoporum, & præteritis iudicijs Conciliorum Africæ immediatè ab Ordinarijs suis ad Pontificem prouocare cœpissent. Res, quæ, etsi iure communi nitēbatur, quia ex Canone sexto Nicæno Patriarchæ potestatem habebant eorum omnium; quæ Metropolitanis, & Synodis Prouincialibus delata fuerant, Romanis tamen Pontificibus tanquam antiquitatis Ecclesiasticæ vindicibus, & custodibus non placebat. Et ideo in duobus Concilijs iuxta antiquas, & proprias Africæ consuetudines canonem istum sanciri iusserunt. Non ergo hoc canone derogatum est Romanæ Sedi, non vllum sibi apparatus antidotum ab Africanis contra Paparum, vt aduersarij delirant.

Multò apertius hæreticorum vanitas appareret, si Canonem istum integrum haberemus, vt illum habebat in Codicibus suis Hadrianus Primus, in cuius epitome his verbis conceptus est; *Vt Clerici, qui ad Transmarina, non ad Primates suos prouocauerint, in communionem non recipiantur.* Et iterum: *Vt Clerici non ad Africana Concilia, sed ad Transmarina prouocantes ab Africanis in communionem non recipiantur, nisi necessitas * . . coëgerit.* Itaque Clericis Africanis vitio vertebatur, non quòd prouocarent ad Transmarina, sed quòd per saltum prouocarent, ad hæc omissis iudicijs Primatum & Conciliorum suorum contra antiquam consuetudinem illarum Ecclesiarum. Quare hoc Canone id vnum cauebatur, vt non quæuis causæ, sed solæ causæ minores non deferrentur immediate ad

ECCLESIAE AFRICANÆ. 97
ad Romanos Pontifices, sed Me-
tropolitani, & Synodi Prouincia-
les tanquam inferioris subsellij Iu-
dices de illis primum cognoscerent.
At quòd causæ Episcoporum, &
Synodorum iudicia immediatè Ro-
mam deferri non possent, nun-
quam cogitatum in Africa. Dum
verò maiora permittunt, minora
tantum immediatè prohibent, non
obscurè docent, agnoscere se su-
premum Principatum Romanæ Se-
dis; Quum nulla bene constituta
Respub. reperiatur, cuius supre-
mus magistratus hoc iure non gau-
deat.

Donemus tamen Aduersarijs
quicquid ex Canone isto conten-
dunt; dicamus, appellationes Pre-
sbyterorum, & ordinum inferiorum
ad Rom. Sedem omnino sublatas
fuisse; concedamus, Metropolita-
nis & Synodis Africæ id iuris da-

X.

G

tum in huiusmodi causis, vt ab eis, ad Romanum Pontificem omninò prouocari non posset, an idcò eximetur Africa à Potestate Romana? nihil minus, si non etiam Episcoporum iudicia Romanæ Sedi interdicta probentur; nisi quis adeò desipiat, vt & Præfectos Prætorio Romanis Principibus subiectos non fuisse contendat, quia *eorum auctoritas in tantum meruit augeri, vt appellari à Præfectis Prætorio omnino non posset*, l. i. ff. de off. Præf. Præt. Hæc de primo Canone satis: iam de secundo.

Quicumque, inquit, non communicans in Africa, in Transmarinis ad communicandum obrepserit, iacturam Clericatus excipiat.

- XI. Marcus Antonius de Dominis, qui hunc canonem causam fuisse dicit magnarum simultatum inter Ecclesiam Romanam, & Africa-

nam, quod à ceruicibus Africæ excuteret iugum Romanæ Potestatis, sola confessione ignorantia eluere potest notam turpiorem. *Obrepere* idem significat, quod fallaciter, & dolosè facere, vel impetrare aliquid. Cicero in Pisonem: *Obrepfisti ad honores errore hominum, commendatione fumosarum imaginum, quarum simile habes nihil præter colorem.* & pro Plancio: *Quid si doceo, Gn. Plancium, non obrepfisse ad honores, sed eò venisse cursu, qui semper patuerit omnibus hoc nostro equestri loco?* Sanctus Cyprianus ep. 68. *Romam pergens Basilides, inquit, Stephanum Collegam nostrum longè positum, & gestæ rei, & tacitæ veritatis ignarum fefellit, ut ex ambiret restitui in Episcopatu, de quo iustè fuerat depositus. Hac eò pertinent, ut Basilidis non tam abolita sint, quàm cumulatæ delicta. Ut ad superiora eius peccata etiam fallacia, & circumuentionis cri-*

100 DE APPELLATIONIBVS
men accesserit ; Non enim tam culpandus est ille , cui negligenter obreptum est , quàm hic accusandus , qui fraudulentè obrepserat . Et in epistola ad Pompeium , Consuetudo , quæ apud quosdam obrepserat , impedire non debet , quominus veritas præualeat , & vincat . Nam consuetudo sine veritate vetustas erroris est . Itaque ex Cypriano consuetudo obrepserat , quia sine veritate præualuerat . Eodem sensu etiam apud Iurisperitos hoc verbum frequenter reperias . Vlpianus de Car. edict. Sed si quum esset pubes , quasi impubes obrepserat , dicendum est , nihil eum egisse . Gloss. in l. 56. de administrat. & in l. 1. de reb. eo. qui sub tut. Obreptum , inquit , id est , per mendacium impetratum . Si ergo obrepere , idem est , quod dolose , fallaciter , & per mendacium aliquid impetrare , huius Canonis sensus erit : Si quis excommunicatus in Africa ,

ECCLESIAE AFRICANÆ IOI
mendacijs & dolis impetrauerit
communione à Romana Sede,
clericatu priuetur. Hocine verò
est excutere iugum Romanæ Pote-
statis? hoc interdicere appellatio-
nes ad Romanam Sedem? hoc ab-
rogare summa iudicia Pontifici
Romano?

*O miseras hominum mentes, ô pectora
caeca.*

Cautum lege sit, quod si quis à Prin-
cipe ius Ciuitatis per dolum impe-
trauerit, libertatem amittat: si à Præ-
tore Vrbanò decretum de aliena-
tione hæreditatis pupilli per frau-
dem obtinuerit, mulcta decem li-
brarum argenti puniatur: an ideò
homo erit, qui colligat, vel Prin-
cipem ius Ciuitatis, vel Prætorem
Vrbanum decretum de hæreditate
pupilli dare non posse? non opi-
nor. Ita tamen contra Pontificem
colligit Aristarchus ille, qui nuper

102 DE APPELLATIONIBVS
in Ecclesiam vniuersam censorio
supercilio animaduertit. Et qui tan-
tum scire se putat, non videt, mi-
ser, nescire se, quod dum puniunt
qui obrepit, hic sine fraude, & dolo
ab eo, cui obripitur, rem impe-
trare iubetur?

XII. Tertius Canon. *Vt prima Sedis
Episcopus non appelletur, aut Princeps
Sacerdotum, aut Summus Sacerdos, aut
aliquid eiusmodi, sed tantum Prima
Sedis Episcopus.* Romanâ Sedem om-
nino non attingit. Græci specioso-
rum titulorum semper amâtes quum
antiquam simplicitatem amplius
ferre non possent, Metropolitanos
suos Archiepiscopos, & Exarchos
iam appellare cœperant; quos titu-
los non multo post ipsis quoque
Canonibus inferuerunt. Hæc no-
uitas ab antiqua Ecclesiæ humilita-
te, & modestiâ aliena Patribus Afri-
canis displicebat. Quare veriti, ne

ECCLESIAE AFRICANÆ. 103
in Ecclesiam quoque Africanam
irreperet, hoc Canone obuiam illi
iuerunt, iubentes vt Primæ Sedis
Episcopus, hoc est Metropolita-
nus, huiusmodi titulis abstineret,
contentus vno titulo Episcopi Pri-
mæ Sedis. Et quidem, quod om-
nes Metropolitanæ in Africa dice-
rentur Episcopi Primæ Sedis, do-
cent multa, & clara illorum tem-
porum testimonia. Concilium Car-
thaginense Arcadio V. & Hono-
rio V. Coss. *Placuit omnibus Episcopis,*
qui in hoc Concilio subscripserunt, vt
Matricula, & Archivus Numidiæ, &
apud Primam Sedem sit, & in Metro-
poli, id est Constantina. Post Consula-
tum Honorij XII. & Theodosij
VIII. Valentinus Metropolitanus
Numidiæ subscribit. *Valentinus Pri-*
mæ Sedis Episcopus Prævinciæ Numi-
diæ. In eodem Concilio Metro-
politanus Bizacij subscribit. *Donaria-*

nus Teleptensis Primæ Sedis subscripsi. Ibidem can. 18. Confirmandum est in hac sancta Synodo, ut secundum Nicæna statuta propter causas Ecclesiasticas, quæ ad perniciem Sedium sæpe inueterascunt, singulis quibusque annis Concilium conuocetur, ad quod omnes Prouinciæ, quæ Primas Sedes habent, de Concilijs suis binos, aut quantos delegerint Legatos mittant, & congregato conuentu plena possit esse authoritas. & Can. 23. Concilij Carthaginienſis Basso, & Philippo Coss. ut Episcopi trans mare non proficiſcantur, nisi consulto Primæ Sedis Episcopo suo cuiusque Prouinciæ.

Immò Africani modestia titulorum adeò oblectabantur, ut Metropolitanos suos frequenter solo Episcopi senis nomine indigitarent. Siluanus Numidiæ Primas ad Innocentium Primum ex Concilio Mileuitano *Siluanus senex, & Innocentius*

ECCLESIAE AFRICANÆ. 105
ad eum, *Silvano seni*. Idem apud Au-
gustinum ep. 151. *Silvanus senex*. sic e-
tiam eius præcessor Xantippus can.
67. C. Africani, *Xantippus senex* plu-
ries nominatur. In Concilio Cattha-
giniensi Honorio XII. & Theodo-
tio VIII. Consulibus eliguntur de
singulis Prouincijs terhi iudices, qui,
cum sancto sene Aurelio uniuerſa co-
gnoscant : ibique Primas Bizacenus
vocatur, *sanctus senex Donatianus*
Primas.

Etsi verò titulus iste antiquæ sim-
plicitatis, & humilitatis erat testi-
monium, non tamen erat alienus à
veritate. Ius enim Metropoliticum,
siue Primatiale in Africa, excepta
Prouincia Carthaginiensi, nulli al-
ligatum Ecclesiæ, nullius determi-
natæ Sedis proprium erat, sed solu-
tum, & vagum; quippe quod Pri-
mate vno mortuo, antiquiori cuius-
que Prouinciæ Episcopo semper

106 DE APPELLATIONIBVS
conferretur. Obseruauit hoc Leo
nonus ep. 4. *Sed & de Africa Primati-*
bus, inquit, *aliter intelligendum est, quia*
in singulis eius Prouincijs antiquitus
Primates instituebantur non secundum
potentiam alicuius Ciuitatis, sed secun-
dum tempus suæ ordinationis, quibus
tamen omnibus præerat vnus scilicet
Archiepiscopus Carthaginensis. Neque
desunt exempla. Quo tempore Do-
natistarum schisma cœpit in Afri-
ca, Secundus Episcopus Tigisitanus
erat Primas Numidiæ ex August. lib.
3. con. Crescon. c. 26. ex epist. 162.
& Breuit. collat. 3. diei, cap. 5. Quan-
do Augustinus Episcopus ordinatus
fuit, Primas eius Prouinciæ erat Me-
galius Episcopus Calamensis, ex
Possid. in vita Augustini. c. 8. Ar-
cadio; & Honorio V. Consulibus
Xantippus Episcopus Constanti-
niensis eum locum tenebat illi adiu-
dicatum in Concilio Mileuitano in

Controuersia cum Victorino altero
 eius Prouinciæ Episcopo, de qua la-
 tè August. ep. 217. In eoque Conci-
 lio ad tollendas in posterum huius-
 modi contentiones, decretum, *Vt
 quicunque deinceps ab Episcopis ordinentur
 per Prouincias Africanas, litteras accipiāt
 ab ordinatōribus suis manu eorū conscri-
 ptas, continentes Consulem & diem, vt
 nulla alteratio de posterioribus, vel ante-
 rioribus oriatur.* Xantippo tandem
 post Siluanum successit Valentinus,
 vt constat ex Conc. Carthag. P. C.
 Honorij XII. & Theodosij VIII.
 in Præfat. in subscript. & cap. 10. qui
 alterius Ecclesiæ erat Episcopus, vt
 colligitur ex Conc. Mileuit. Arca-
 dio, & Honorio V. Coss. C. Afric.
 c. 8. Sanctus August. ep. 262. ex hoc
 iure inducit Crispum quemdam Cæ-
 sariensis Prouinciæ Episcopum di-
 centem, *Aut ad Primatem locus, si-
 cut cæteris, mihi patere debuit, aut Epi-*

108 DE APPELLATIONIBVS
scopatus mihi remanere non debuit. Et
Epigonius Episcopus, C. Afric. c. 54.
mandatum Primatis Prouinciæ suæ
sic refert. *Ætate Pater; & ipsa pro-*
motione antiquissimus, vir laudabilis,
frater, & collega noster Victor, vult
hanc petitionem generalem omnibus ef-
fici.

XIII. Vt cumque verò Patres Africani
titulos illos interdixissent suis, non
tamen ideò cum eis prohibuerunt,
vel rem vel nomen Primatus, vt di-
cunt hæretici; Non titulum, quia
Canone 73. Cod. Africani, *Scriben-*
dum, inquit, ad singularum quarum-
que Prouinciarum Primates, vt quando
apud se Concilium congregant, istam
diem non impédiant. & can. 77. De
Cresconio Villa-Regiensi hoc omnibus vi-
sum est, vt hinc quoque Primati Numi-
diæ intimeretur. In Concilio Carthagi-
nensi Honorio VII. & Theodosio
II. Coss. Cod. Afric. c. 106. Formata

autem, quæ à Primatibus, vel à quibuscumque Episcopis Clericis proprijs dantur, habeant diem Paschæ. Honorio XII. & Theodosio VIII. Coss. C. Afric. c. 121. Si Episcopi, inter quos causa versatur, diuersarum sunt Prouinciarum, ille Primas det Iudices, in cuius Prouincia est locus, de quo contenditur. Eo ipso Canone, qui obijcitur, Metropolitano Primatis nomen tribuitur. Quod si & ab eis prouocandum putauerint, non prouocent nisi ad Africana Concilia, aut ad Primates Prouinciarum suarum. Vnico testimonio omnes Metropolitanos Africæ concludo. Canone XVII. Concilij Carthaginensis P. C. Honorij XII. & Theodosij VIII. Placuit, ut Mauritania Sitifensis (ut postulauit Primatem Numidiæ, ex cuius cætu separatur) suum habeat Primatem, quem consentientibus omnibus Primatibus Prouinciarum Africanarum, vel omnibus

Episcopis propter longinquitatem habere permissa est. Vides hic non tantum titulum Primatis communem omnibus Metropolitanis Africae, sed præterea duo: Vnum, quòd Provincia Ecclesiastica ab initio erat diuersa à Prouincijs Ciuilibus, quum Mauritania Sitifensis Metropoli Numidia ab initio subiecta fuisset. Alterum, quòd, quando ei Metropolitanus concessus fuit, non ideo concessus, vt Resp. Ecclesiastica sequeretur Ciuilem, sed tantum propter longinquitatem. Hæc duo, si cohæreant cum eorum doctrinis, qui Ecclesiam, vel vmbra, vel imaginem fuisse volunt Reip. Ciuilis, iudicet Lector.

XIV. Potestatem, & Iurisdictionem Primatus in Metropolitanis Africae non displicuisse Patribus illis, nobis etiam inuitis concedent hæretici, qui vnâ huius controuersia cau-

ECCLESIAE AFRICANÆ. III
sam fuisse dicunt, Potestatem Metropolitanorum sartam tectam tue-
ri ab occupatione Pontificis Roma-
ni illam inuadentis. Si ergo Canon
ad Romanum Pontificem non spe-
ctat; Si Primatus, neque quoad rem,
neque quoad titulum in eo prohi-
betur, nonne summa, vel inscitia,
vel nequitia, est, cum contra Ponti-
ficem perpetuò inculcare, & vanis-
simis istis nugis tot annis & manus
Catholicorum, & mentes fati-
gare?

Sed liberalius agamus cum Ad-
uersarijs. Demus Canonem hunc
de Rom. Pont. constitutum fuisse,
eoque caueri, ne Episcopus Roma-
nus vocetur, aut Princeps Sacerdo-
tum, aut Summus sacerdos, sed tan-
tùm Primæ Sedis Episcopus; erra-
rent adhuc miseri, si clauam suam
Herculi nostro sic creptam puta-
rent. Hierarchia Ecclesiastica, ab

XV.

112 DE APPELLATIONIBVS.
 initio ita disposita fuit, vt quàm va-
 rias complecteretur dignitates, &
 has illis subiectas, non honore tan-
 tùm; sed Iurisdictione, & potestate,
 superior tamen ab inferiori solo
 Primatu differre diceretur. Nihil
 certius, quàm Presbyteros in Epi-
 scoporum potestate semper fuisse;
Nisi enim, vt dicebat Hieronymus,
illis exors, quædam. & ab omnibus e-
minens detur potestas, tot in Ecclesiis ef-
ficientur schismata, quot sacerdotes.
 Plerique tamen Sanctorum Patrum
 Episcopum à Presbytero hoc vno
 distinguebant, quòd esset Primus
 Sacerdos. Ita Hieronymus. ep. 83. &
 85. & in ep. ad Tit. c. 3. Ambros. in ep.
 ad Ephes. c. 4. & in 1. ad Timoth. c. 3.
 August. apud Hieronym. ep. 97.
 Author quæst. no. & vet. test. q. 100.
 Chrysost. hom. 15. in ep. ad Timoth.
 Iren. lib. 3. c. 3. lib. 4. c. 45. Hinc in
 Concilio Carthaginensi Honorio

IV.

Advers. Luci-
fer.

IV. & Eutichiano Consulibus, c. 34. decretum, *ut Episcopus in quolibet loco sedens stare presbyterum non patiatur.* & c. 35. *ut Episcopus in Ecclesia & in confessu Presbyterorum sublimior se deat; Intra domum verò Presbyterorum Collegam se esse cognoscat.*

Episcopos Potestati Metropolitano- XVI.
 ranorum subiectos esse, non est, qui dubitet: Metropolitanos tamen Suffraganeorum, & Collegas, & Confratres, & Communitros vocatos fuisse ab Antiquis; passim, & verè prædicant hæretici; eoque tantum ab illis distinctos fuisse, quòd essent Episcopi Primæ Sedis, adducta testimonia perspicuè docent.

De Primatibus, quis id negaret, XVII.
 quod vel solum eorum nomen ostendit? & tandem, ut nullum Ecclesiasticarum Dignitatum gradum prætereamus, etiam Iura Patriarchalia, nomine Primatus apud veteres

114 DE APPELLATIONIBVS
designari solebant ; Secundus Ca-
non secundæ Synodi Generalis :
Orientis Episcopi Orientem gubernent,
seruatis priuilegijs Primatus Ecclesiæ
Antiochena, quæ in regulis Nicænæ Syn-
odi continentur. Et Patres Chalce-
donenses euehere cupientes Sedem
Constantinopolitanam ad Patriar-
chatum dixerunt, *Sanctissimum Ar-*
chiepiscopum Regiæ Constantinopolis no-
uæ Romæ, eisdem Primatibus honoris, &
ipsum dignum esse.

Act. 16.

XVIII. Patriarchatus, siue Sedes per anto-
nomasiam (sic enim interdum ab
antiquis dictæ fuere) ab initio fue-
runt tres, Romana, Alexandrina, &
Antiochena ; Primæque inter om-
nes fuit semper Romana. Eam ideo
nomine Primæ Sedis in hoc Cano-
ne venire volunt hæretici. Sit ita, &
dicant aduersarij, quæso, si Episco-
po, quia est primus Presbyter, om-
nes alij Presbyteri subiecti sunt ; si

ECCLESIAE AFRICANÆ. IIS
Metropolitano, Episcopi reliqui,
quia est primæ Sedis Episcopus, in
Prouincia; si Primate Metropolitæ
omnes, & Episcopi, quia est Primus
Episcopus in gente; si Patriarchæ
Primates, Archiepiscopi, Episcopi,
Presbyteri omnes, quia Primatum
habet in Diœcesi; cur non subijcien-
tur Episcopo Romano, & reliqui
Patriarchæ, & omnis Ecclesia, si
ipse simpliciter & absolutè primus
est omnium? Quò-se vertent hære-
tici? Negabunt Primatum Ecclesia-
sticum Primo in cæteros ius confer-
re? Vniuersam Ecclesiasticam Hie-
rarchiam euertant, necesse est, adi-
mantque Episcopis Presbyteros, Me-
tropolitanis Episcopos, istos Prima-
tibus, & Patriarchis, Primates, quum
apud veteres omnis superior à sub-
ditis distingueretur solo Primatu.
Fatebuntur? fateantur igitur etiam
quod consequens est, Ecclesiam sci-

H ij

116 DE APPELLATIONIBVS
licet Vniuersam subiectam esse Ro-
manæ Potestati, quia ipsis quoque
autoribus, Romana Sedes omnium
aliarum est prima. Si verò ita est, se-
quitur, quòd si Africani iusserunt,
Episcopum Ecclesiæ Romanæ voca-
ri Episcopum Primæ Sedis, eo ipso
decreuerint, illi cæteras omnes Se-
des subiectas esse, & maximè suas,
de quibus statuerant anno superio-
ri C. Afric. c. 122. *A iudicibus, quos
communis consensus elegerit, non liceat
prouocare; & quisquis prouocatus re-
pertus fuerit, per contumaciam nolle ob-
temperare iudicibus, quàm hoc Primæ
Sedis Episcopo fuerit probatum, det litte-
ras, ut nullus ei communicet Episcopus,
donec obtemperet.* Ergo vel obiectus
Canon ad Papam non spectat, vel
si spectat, Africam ei pleno iure sub-
iectam fuisse, probat.

XIX. Ex his, quæ dicta sunt, de iure
Primi cuiusque in vnoquoque ordi-

ne Hierarchico, demonstrari facile potest à posteriori, qualisnam fuerit Primus Sancti Petri inter Apostolos. Si quidem in confesso est apud omnes, quòd forma Hierarchiæ Ecclesiasticæ ab Apostolatu desumpta est, & quòd in locum Apostolorum succedunt Episcopi. Posset consequenter etiam explicari, quid sibi vellent nonnulli Patres, si quando dixerunt, *Cæteros Apostolos idem fuisse, quod erat Petrus, pari consortio præditos, & honoris & potestatis.* Petrúmque eò tantùm cæteris prælatum, quòd esset Primus, siue quòd Primatum haberet inter eos, tanquam inter Confratres, & collegas, ut dicunt etiam de Episcopis inter Presbyteros, & de Metropolitani inter Episcopos. Sed de his alibi, loco, & tempore suo.

*Detegitur impostura Aëtorum, quæ tribuuntur
Concilio Carthaginiensi, & Epistolarum,
quæ vulgate sunt nomine PP. Africano-
rum ad Bonifacium, & Celestinum
Romanos Pontifices.*

CAP. IV.



BARONIVS ad annum Christi 419. de hac controuersia scribens, dicere coactus est, Acta illius synodi integra non extare, hoc argumento. Quod in Concilio inducuntur Legati cum Commonitorio Pontificis Zosimi à Patribus petentes, vt decernerent, quod Presbyteri, & cæteri inferiores Clerici damnati ab ordinarijs suis, prouocare possent ad Episcopos vicinos, antequam adirent Concilia Prouincialia, Patresque id facere detrectasse,

nisi sub condicione; tamen constat quod Mileui ante aliquot annos, & Carthagine anno superiori omnino ita fieri, ipsimet constituerant. Verba Actorum sunt hæc cap. 6.

Nouatus Legatus Mauritaniæ Sitifensis dixit. Nunc meminimus, in hoc præsen- Commonitorio lecto, etiam de Presbyteris, siue Diaconibus contineri, qualiter ab Episcopis suis, vel à finitimis audiri debeant, quod in Concilio Nicæno minimè legimus. Unde hoc ipsum iubeat Sanctitas Vestra nobis recitari. Aurelius Episcopus dixit. Recitetur ad locum etiam id, quod deposcitur. Daniel Notarius recitauit: De appellationibus autem Clericorum, id est, minoris loci, restat ipsius Synodi certa responsio. De qua re quid acturi sitis, credimus inferendum. Quod taliter dictum est ex Sardicensi Concilio. Osus Episcopus dixit; Quid me adhuc moueat, reticere non debeo. Si Episcopus fortè iracundus

H iiij

(quod esse non debet) citò, aut asperè commoueat^r aduersus Presbyterum, aut Diaconum suum, & exterminare eum de Ecclesia voluerit, prouidendum est, ne innocens damnetur, aut perdat communionem. Et ideo habeat potestatem eiectus, ut finitimos interpellet Episcopos, ut causam suam audiant, & diligenter tractent; quia non oportet negare audientiam roganti, & ille Episcopus, qui aut iustè, aut iniustè eum eiecit, patienter accipiat, ut negotium discutiatur, & aut probetur eius, aut emendetur sententia.

Cap. 7. Cumque recitaretur, Augustinus Episcopus Ecclesiae Hipponae Regiensis Legatus Prouinciæ Numidiæ dixit. Et hoc nos seruatu^ros profite^mur, saluâ diligentiori inquisitione Concilij Nicæni. Aurelius Episcopus dixit. Si hoc etiam omnium vestrum charitati placet, responsione firmate. Vniuersum Concilium dixit, Omnia, quæ in Nicæno Concilio statuta sunt, nobis omnibus placent.

Constituerant anno superiori, repetierant in hoc ipso Concilio Canonem istum. *Placuit ut Presbyteri, Diaconi, & cæteri inferiores Clerici, in causis, quas habuerint, si de iudicijs Episcoporum suorum questi fuerint, vicini Episcopi eos audiant, & inter eos quidquid est finiant, adhibiti ab eis ex consensu Episcoporum suorum.* Aurelius Episcopus Carthaginiensis rogat, placerétne Patribus, ut legerentur quæ in hoc Concilio, & alijs fuerant constituta? Leguntur tres & triginta Canones istius ipsius Concilij. Leguntur XIX. alij anni superioris, & utrobique hic Canon; & nihilominus Acta Patres inducunt, ita loquentes, ac si Canonem istum neque constituissent, neque constitui vellent, neque de eo vlla unquam mentio facta fuisset. Mihi certè hoc argumentum magni ponderis est, & plus probat, quàm pu-

tauit Baronius ; neque enim scio componere acta ista , cum Canone , sed , vt mea fert opinio , vel Canon acta , vel acta Canonem tollunt.

- II. Accedunt alia falsitatis grauissima argumenta. Dicebamus inter hæreticorum obiectiones , ex actis , & Epistolis , de hac controuersia isthæc haberi.
1. Legatos à Zosimo cum Canonibus Sardicensibus nomine Nicænorum missos in Africam.
 2. Errore à Patribus detecto , illos scripsisse ad Zosimum , placere quidem sibi , vt ex Africa Romana Sedes appellaretur , quousque Authentica Canonum Nicænorum reperirentur : ea tamen se perquirere velle , quia in exemplaribus Nicænis , quæ erant in Africa , Canones illi desiderabantur.
 3. Anno sequenti 8. Kal. Iunij causâ repetitâ , ex Originali Cæci-

liani Episcopi Carthaginienſis Zoſimi Commonitorium, falſi conuictum fuiſſe, ſed Legatis pro eo pugnantibus communi conſenſu decretam Legationem ad Eccleſias Alexandria, Antiochia, & Conſtantinopolis, quæ ſitum vera Exemplaria Nicæna. 4. Eaque directa ad Bonifacium Zoſimi ſucceſſorem hoc anno, qui fuit poſt Conſulatum Honorij XII. & Theodoſij VIII. 6. Kal. Decembris cum litteris Cyrilli Alexandrini, & Attici Episcopi Conſtantinopolitani, quæ ibi referuntur.

Verùm totam hanc narrationem commentitiam eſſe, & fabuloſam multa conuincunt. Primùm in Codice Africano, qui lectus fuit in hoc poſtremo Concilio Carthaginenſi, relata fuere omnia Concilia plenaria, quæ ſub Aurelio Episcopo eius Urbis habita fuerant à

124 DE APPELLATIONIBVS
Consulatu Theodosij III. & Abun-
dantiij, qui incidit in annum Chri-
sti 393. vsque ad diem 8. Kal. Iunij
anni 419. In eo tamen non istius
Concilij sub Zosimo celebrati, non
legationis ab eo ad Africanos de-
cretæ, non controuersia de Appel-
lationibus agitata, non litterarum,
quæ inde ad Zosimum scriptæ fue-
rint, apparet vestigium vllum. Hæc
tamen imprimis & scribenda, & le-
genda erant, si facta fuissent, maxi-
mè quùm minima quæque suo tem-
pore, & loco ibi recensita videan-
tur. Deinde quùm Concilium se-
cundum plenarium contra Pelagia-
nos habitum fuerit anno 418. mense
Maio, & in eo actum non sit de hac
controuersia, si eius gratia Zosimus
aliud plenarium anno illo celebrari
voluit, ante Autumnum, id facere
non potuit. Neque post. Enimuerò
Patres Africani de rebus à se Car-

thagine decretis scribere ad eum non potuissent, quia anno illo exeunte è viuis excessit, vt ex relatione Symmachi P. V. ad Imperatorem Honorium liquidò constat. Scripsisse tamen ad eum adhuc viuentem, testatur Epistola, quæ ad Bonifacium eius successorem data asseritur, anno sequenti. Tantùm verò abest, vt Autumno illo Zosimus Tractorijs suis Patres Africanos ad Concilium plenarium Carthaginem conuocârit, vt eo ipso tempore plerosque illorum aliò abire compulerit, quemadmodum Augustinus fidem facit epist. 156. ad Optatum sic scribens. *Quamuis Tuae Sanctitatis nullas ad me ipsum datas acceperim litteras, tamen quia illæ, quas ad Mauritaniam Cesariensem misisti, me apud Casaream presente venerunt, quò nos iniuncta nobis à Venerabili Papa Zosimo Apostolicæ Sedis Episcopo*

ad ann. 418.
Apud Baron.

Ecclesiastica necessitas traxerat. Et Possidius in eius vita cap. 14. Postea in Casariensi Mauritania Ciuitate constitutus Venerabilis memoriae Augustinus, quô cum venire cum alijs Episcopis Sedis Apostolicæ litteræ compulerunt, ob terminandas videlicet alias Ecclesiæ necessitates. Hac ergò occasione prouenit, ut Emeritum eiusdem loci Donatistarum Episcopum, quem suæ sectæ præcipuum in illa Collatione habuerant defensorem, videret, ut cum eodem publicè in Ecclesia populo adstante diuersæ communionis, ex hoc ipso disputaret, & prouocaret gestis Ecclesiasticis. Collationem hanc, quam cum Emerito habuit, incidisse in Septembrem eius anni, ipsa gesta docent, quæ publicis tabulis sic consignata fuere. Gloriosissimis Imp. Honorio XII. & Theodosio VIII. Consulibus 12. Kal. Octobris, Casaræ in Ecclesia Maiori, cum Deuterius Episcopus Metropolitanus Cæ-

sariensis unâ cum Alypio Tagastensi, Augustino Hipponensi, Possidio Calamensi, &c. Quomodo ergo Concilium plenarium Carthaginem autumnus illo Zosimus contraxit, si Episcopos Mauritanos, & Numidas mensibus illis Cæsariam Mauritaniam ablegavit? Et inter cæteros Alypium, Augustinum & Possidium, quos in causa Appellationum Legatos Prouinciæ Numidiæ Carthagine acta illa constituunt?

Grauius est, quod tam Actorum, III.
quàm Epistolarum doctrina pugnat cum doctrina Africæ Catholica, quæ tùm omnium Catholicorum ore contra Donatistas prædabatur. Immò aufert Pontifici Romano eam potestatem, quam illo ipso tempore Donatistæ ipsi, vt legitimam & Canonicam agnoscebant, sacrilegium arbitantes eam vel facto, vel dicto violatum ire.

Epistolæ enim ad vtrumque Pontificem scriptæ, & acta illa sumere videntur, eos aliam Potestatem non habere, nisi quæ illis in Concilio Nicæno concessa fuisset, maxime in Appellationibus Episcoporum. Quare Patres illi, eas tantum se admissuros esse, dicunt, quousque authentica Nicæna reperiantur, ad quorum amissim totam potestatem Papæ collimari volunt. *Quod donec fiat (id est exemplaria Nicæna ex Oriente veniant) hæc quæ in Commonitorio supradicto nobis allegata sunt, de Appellationibus Episcoporum ad Romanæ Ecclesiæ Sacerdotem, & de Clericorum causis, apud suarum Prouinciarum Episcopos terminandis, nos vsque ad probationem seruaturos profiteamur.* Catholici tamen non à Concilio Nicæno, sed ante Concilium Nicænum Africam subiectam fuisse Romanæ Sedi, profitebantur, & Appellationes

pellationes Episcoporum ad Transmarina longè antiquiores decantabant. *An fortè non debuit*, dicebat Augustinus, *Romanæ Ecclesiæ Melciades Episcopus cum Collegis Transmarinis Episcopis, illud sibi usurpare iudicium, quod ab Afris septuaginta, ubi Primas Tigisitanus præsedet, fuerat terminatum?* Adeò temerarium, & sacrilegum putauit Augustinus, negare Apostolicæ Sedi Ius cognoscendi de Iudicijs Ecclesiæ Africanæ etiam ante Concilium Nicænum, ut ne Donatistas quidem id ausuros, compertum haberet. Et ipse tunc, datis huiusmodi litteris, cum vniuersa Africa hoc crimine se obstrinxerit? Donatistæ autem veriti negare potestatem Pontificis Romani in Africana iudicia ad calumnias conuersi, aliquid aliud causari cœperunt, ut constat ex Collat. tertiæ diei contra Donatistas

cap. 5. *Tunc Donatistæ, inquit Augustinus, ipsum Melciadem cœperunt crimine traditionis arguere, & dicere, maiores suos propterea illius iudicium refugisse, quod traditor fuisset.* Si verò adeò planum fuisset, quod Africa tunc Iurisdictioni Papæ subiecta non esset, ut nunc dicunt hæretici, quis sibi persuadeat, Donatistas non potius hoc in pulvere gradum fixuros, quàm in lubrico illo, unde è vestigio turpiter deiectioni fuere? Collatio autem contra Donatistas habitata fuit paulò ante annum 418. ut Augustinus ipse testatur 2. *Retract.* cap. 51. dum aliquanto post illam Cæsareæ cum Emerito decertasse se, dicit.

- IV. Satis iam dispicis, Lector, quàm impudens mendacium sit, quod Africani iniquum putauerint, ut Episcoporum suorum iudicia non in prouincijs proprijs, sed Romæ

finirentur. Tibi tamen audiendus est iterum Augustinus, qui Epistolâ superiùs allegatâ, contra Secundum Tigisitanum Principem Donatistarum, sic disserit. *Hæc res, (nimirum quòd Cæcilianus Episcopus Carthaginiensis arbitrato suo adire potuisset Romanam Sedem) maxime sollicitare debuit Secundum, qui tunc erat Primas, si propterea Concilium regebat, ut paci consuleret; facile enim fortassis rabida in absentem ora placata, vel frænata comprimeret, si diceret; Videtis, fratres, post tantam stragem persecutionis, misericordia Dei à Principibus Seculi pacem esse concessam. Non debemus nos Christiani, & Episcopi unitatem disrumpere Christianam, quam iam Paganus non insequitur inimicus. Itaque aut omnes istas causas, quas clades turbulentissimi temporis inflixit Ecclesie, Deo iudici dimittamus, aut si aliqui in vobis sunt, qui certa istorum*

crimina ita nouerint , vt eā facile valeant edocere , negantēſque conuincere , & talibus communicare formident , pergant ad fratres , & Collegas noſtros Transmarinarum Eccleſiarum Episcopos , & ibi prius de iſtorum factis , & contumaciā conquerantur ; quod ad iudicium Collegarum Afrorum malē ſibi conſcij venire noluerunt , vt inde illis denunciatur , vt veniant , ibique obiectis reſpondeant. Quod ſi non fecerint , ibi etiam eorum prauitas & peruerſitas innotefcet , miſſāque tractatoria ſuper eorum nomine per totum orbem Terrarum , quacumque iam Chriſti Eccleſia dilatata eſt , ab omnibus Eccleſijs eorum Communiono præcidetur , ne aliquis error in Cathedra Eccleſiæ Carthaginiſ oriatur. Tum demum ſecuri Episcopū alium Plebi Carthaginiſ ordinabimus , cū à tota Eccleſia iſti fuerint ſeparati. Et infrā. Sed quia non erant , quæ in Cæcilianum , & Ordinatores eius Transmari-

no iudicio probarentur, propterea nec priusquam sententiam in eum dicerent, differre voluerunt; Nec posteaquam dixerunt, perseveranter id agere, ut Ecclesiae Transmarinae in notitiam perferretur: quorum traditorum damnatorum in Africa Communionem vitare deberet. Quia si id facere tentauissent, adesset sibi Cæcilianus, & ceteri, & suam causam aduersus fallaces Criminatores apud Transmarinos Ecclesiasticos Iudices diligentissima discussione purgarent. Itaque Augustinus, & ore Augustini Africa tota vitio vertebat Secundo Episcopo Tigisitano, quòd adhortatus non fuisset Episcopos Synodi suæ, ut Romam Cæcilianum, & alios Catholicos accusatum irent. Quòd passus esset, eos excommunicatos declarari, antequam iudicio Ecclesiae Transmarinae à Corpore Ecclesiae vniuersalis, abscinderentur. Exprobrat Donatistis, quòd in-

134 DE APPELLATIONIBVS
nocentiæ Catholicorum conscij ,
ausi non fuerint adire Romanum
Tribunal , vti debebant. Et erit
qui credat , homines ista dicen-
tes, ista scribentes detrectasse tunc
subire , Romana iudicia ? ad so-
la decreta Nicæna , omnem Po-
testatem Pontificis Romani retu-
lisse ? Illi vitio vertisse, quod Excom-
municatos in Africa Romæ ad
Communione restitueret ? quod
causas finire non pateretur in pro-
uincijs, in quibus ortæ essent ? Non
erat Africa tunc , & si fuisset Africa,
non erat Augustinus tam versatilis,
& adeò vel prodigus verecundiæ, vel
inops prudentiæ , vt eadem hinc ar-
guere, inde laudare, hinc asserere,
inde euertere posset , & fidem
Christi antiqua Pœnorum fide tra-
ctare.

V.

Audi quid scribat rursus ad Cæ-
lestinum R. P. eo ipso anno, quo

cum cæteris voluisse fingitur, ut iudicia sua non Romæ amplius, sed in Præuincijs proprijs finirentur. Epistola est 261. scripta occasione Antonij Episcopi Fusalensis, de quo cap. 3. num. 6. dictum est. Collabora, inquit, nobiscum obsecro Pietate Venerabilis Domine Beatissime, & debita charitate venerande, Sancte Papa. Et iube, tibi, quæ directæ sunt, omnia recitari: Vide Episcopatum qualiter gesserit, quemadmodum iudicio nostro usque adeo consenserit, Communione priuatus; nisi prius Fusalensibus omnia redderentur. Iam postea citra acta æstimantibus rebus, solidos seposuerit, ut ei Communio redderetur. Quàm versuta suasionem Sanctum Senem Primatem nostrum grauissimum Virum, ut ei cuncta crederet, quem velut inculpatum Venerando Papæ Bonifacio commendaret, induxerit; & cætera à me quid opus est recoli, cum memoratus Venerabilis Senex ad Tuam

Sanctimoniam retulerit vniuersa? In illis autem multiplicibus gestis, quibus de illo nostrum iudicium continetur, magis deberem vereri, ne tibi minus seuerè quàm oporteret, iudicasse videamur, nisi scirem, vos tam propensos ad misericordiam, ut non solum nobis, quia illi pepercimus, verum etiam ipsi existimetis esse parcendum. Sed ille quod à nobis aut benignè, aut remissè factum est, in præscriptionem vertere, ac usurpare conatur. Clamat, aut in mea Cathedra sedere debui, aut Episcopus esse non debui. Et infra. Existat exemplo ipsa Sede Apostolica iudicante, vel aliorum iudicia firmante, quosdam pro culpis quibusdam, nec Episcopali spoliatos honore, nec relictos omnimodus impunitos, quæ ut à nostris temporibus remotissima non requiram, recentia memorabo. Clamet Priscus Prouinciæ Casariensis Episcopus; aut ad Primatum locus sicut cæteris, & mihi patere debuit, aut Episco-

patus mihi remanere non debuit. Clamet alius eiusdem Prouinciæ Victor Episcopus, cui relicto in eadem pœna, in qua Priscus fuit, nusquam nisi in Diœcesi eius ab alio Communicabatur Episcopo; Clamet, inquam, aut ubique Communicare debui, aut etiam in meis locis Communicare non debui. Clamet tertius eiusdem Prouinciæ Laurentius Episcopus, & prorsus huius vocibus clamet: aut in Cathedra cui ordinatus sum, sedere debui, aut Episcopus esse non debui. Imprudens igitur, & nimium imprudens fuit Author Epistolarum, & Actorum, qui dissidium hoc illo tempore finxit, quo animos vtriusque partis ab omni dissidio iudiciorum causa procul fuisse, huiusmodi testimonijs probari poterat.

Prudentia pari, Patres Africanos à Presbyteris, & à Laicis ad Episcopos, à minori ad maius sic argumentantes inducit. Nam etsi de infe-

VI.

138 DE APPELLATIONIBVS
*rioribus Clericis, vel Laicis videtur præ-
caueri, quantò magis hoc de Episcopis vo-
luit obseruari? Vanissimum argu-
mentum, & quod ex diametro pu-
gnat cum primis principijs Patrum
Africanorum. Dicebant illi, vt vi-
dimus ex Augustini Epist. 161. Ne-
que enim de Presbyteris, aut Diaconis,
aut inferioris ordinis Clericis, sed de
Collegis, agebatur, qui possunt aliorum
Collegarum, & præsertim Apostolica-
rum Ecclesiarum iudicio causam suam
integram reseruare. Quare Patrum
Africanorum asserta erant: de Iudi-
cijs Transmarinis licere Episcopis,
quod non licebat Presbyteris; pro-
hiberi Presbyteris, quod non pro-
hibebatur Episcopis. Author verò
Epistolarum hoc illis argumentum
appingit: Si non licet Presbyteris,
quanto minus Episcopis? Si prohi-
betur Presbyteris; quantò magis
Episcopis. Et hanc Epistolam, vel*

Catholico ore dictatam, vel Catholicorum manibus exaratam Lector crediderit?

VII.

Miscentur etiam Epistolis multa vana & inepta, indigna, quæ talibus Authoribus tribuantur, quale est quod Cælestino dicunt. *Aut quomodo Transmarinum iudicium ratum erit, ad quod testium necessaria persona, vel propter sexus, vel propter senectutis infirmitatem, multis alijs intercurrentibus impedimentis, adduci non potuerunt?* Quasi quæ iudicio formando præparabantur, in Africa peragi non possent, sententiæ dictione reservata Apostolicæ Sedi. Aut quasi aliquis reprehendisset vnquam Romanam Remp. quòd ex orbe Vniuerso Romam appellari voluisset. Et mittebantur quidem processus informatiui à Primatibus Prouinciarum ad R. P. vt supra Augustinus docebat exemplo causæ Episcopi

140 DE APPELLATIONIBVS
Fufalensis, & vt ostendimus nos in
causa Pelagij, & Cælestij cap. 2.

VII I. Romæ, non alibi audiebantur,
qui Romam vndecumque prouoca-
bant. Pelagius, Cælestius, Anto-
nius Fufalensis, Priscus, Victor,
Laurentius, & alij, quos supra re-
cenfuit Auguftinus, in Vrbe omnes
auditi funt; & in Vrbe eorum om-
nium causæ finitæ. At quòd Roma-
ni Pontifices hinc ad alias gentes
Legatos expedirent, vt vnius simpli-
cis Presbyteri causa, nationes com-
mouerentur, Concilia Nationalia
conuocarentur, tanta Episcoporum
multitudo, destitutis gregibus suis,
huc illuc vagaretur, quando vn-
quam auditum? vniustamen Apia-
rij causa id à Cælestino in Africa fa-
ctum narratur.

IX. Ineptiæ ineptijs, & mendacia
cumulantur mendacijs, dum Au-
thor suadere volens Pontifici, ne

admittat Appellationes Episcoporum ad Romanam Sedem, dicit:

Quia & nulla Patrum definitione hoc Ecclesiæ derogatum est Africanæ, & decreta Nicæna, siue inferioris gradus Clericos, siue ipsos Episcopos suis Metropolitanis apertissimè commiserunt. Prudentissimè enim, iustissimèque prouiderunt, quæcunque negotia in suis locis, ubi orta sunt, finienda.

Paulò antè non apertissimè, sed per consequentiam inferebat quòd Episcoporum iudicia, ex decretis Nicænis in suis quibusque Prouincijs finiri deberent, quia scilicet de Presbyterorum, & Laicorum causis Nicææ ita decretum erat. Nunc autem oblitus sui, non ampliùs per consequentiam; sed apertissimè id ibi decretum dicit. Ego autem dico, neque apertissimè, neque per consequentiam.

In quinto Canone Nicæno, &

142 DE APPELLATIONIBVS
in alio nullo agitur de his iudicijs, in
quo ad Lectoris oculos prouoco, si
vel apertissimè, vel obscurissimè de
causis Episcoporum quicquam di-
catur. Verba eius sunt hæc. *De his,*
qui Communione priuantur, seù ex Cle-
ro, seù ex Laico ordine ab Episcopis,
per unamquamque Prouinciam senten-
tia regularis obtineat, ut hi, qui abijciun-
tur, ab alijs non recipiantur. Requira-
tur autem, ne pusillanimitate, aut con-
tentione, aut alio quouis Episcopi vitio
videatur à Congregatione seclusus. Ut
ergo decentius inquiratur, bene placuit,
annis singulis per unamquamque Pro-
uinciam bis in anno Concilia celebrari,
ut communiter simul omnibus Episcopis
congregatis Prouinciæ, discutiantur hu-
iusmodi quæstiones. Et sic qui suo pecca-
uerunt Episcopo, euidenter Excommu-
nicati, rationabiliter ab omnibus existi-
mentur, usque quo vel in Communi, vel
Episcopo placeat humaniorem pro tali-

bus ferre sententiam. Concilia verò celebrentur, unum quidem ante Quadragesimam Paschæ, ut omni dissensione sublata, munus offeratur Deo purissimum. Secundum verò circa Autumni tempus. Hic est Canon ille de Iudicijs, in cuius visceribus Author iste apertissimè videt potestatem Metropolitanorum in iudicandis Episcopis. At ego video quidem in illo Potestatem, quam habent Episcopi excommunicandi Clericos, & Laicos suæ curæ subiectos. Video Clericos, & Laicos excommunicatos in vna Prouincia, in alia ad Communionem admitti non debere. Video Clericorum, & Laicorum causas subsidaria per appellationem actione, subiectas esse iudicijs Synodorum Prouincialium. Video sic excommunicatos post confirmatam Episcopi sententiam à Synodo Prouinciali, ut verè excommunicatos

144 DE APPELLATIONIBVS
ab omnibus debuisse vitari, vsque-
quo restituerentur, vel ab ordina-
rio, vel à Synodo Prouinciali; Et
video demum Concilia Prouincia-
lia bis quotannis ob huiusmodi
causas conuocari debuisse. At quod
Episcoporum causæ, & eorum iudicia
Metropolitanis deferantur, hîc nul-
lo modo video. Vter verò nostrum
minùs viderit, an Author Episto-
larum, qui vidit quod nusquam est,
an ego, qui id me non videre pro-
fiteor; Lector iudicabit.

- X. Immo ne quis hoc Canone de-
rogatum putaret antiquis Priuile-
gijs Patriarcharum Ægypti, & O-
rientis, qui de omnibus causis sua-
rum Diceceseon cognoscere pote-
rant, si volebant, & contra illos eas
consequentias inferret, quas contra
Romanum infert homo iste; statim
Canone 6. Patres Nicæni sequun-
tur. *Antiquæ consuetudines teneant in
Ægypto,*

Ægypto, Libya & Pentapoli, ut Alexandrinus horum omnium habeat potestatem; quoniam etiam Episcopo Romano, eadem Consuetudo est; similiter autem & in Antiochia. Quo Canone apertissimè seruatur Patriarchis illa Potestas sua in omnibus rebus, causis & iudicijs, quæ regula quarta, & quinta Metropolitanis, & Synodis Prouincialibus delata fuerant. Si verò Patres Nicæni omnes Patriarchas de iudicijs Synodorum Prouincialium, & Metropolitanorum, quotiescumque liberet, cognoscere posse sanxerunt, nonne apertissimum mendacium est, quod omnes causas finiri debere voluerint in illis Prouincijs, in quibus ortæ essent? & quòd cum præiudicio Romanæ Potestatis Episcopos Metropolitanis subiectos esse decreuerint? Quòd si ita est, & Africa erat in Diocesi Romani Patriarchæ, ut

146 DE APPELLATIONIBVS
non nostritantùm, sed & vulgò hæ-
retici iam confitentur, efficitur,
quòd quando Zosimo omnis alius
titulus, & omnis alius Canon de-
fuiſſet, ſolo iure Patriarchali ex Ca-
none ſexto Nicæno cognoscere
poſſet omnes cauſas Eccleſiarum A-
fricæ, ſi voluiſſet. Quid ergò opus
eræ ei, Canonem Sardicenſem ſup-
ponere pro Nicæno, vt id ſe poſſe
probaret?

XI. Nihil eſſe ſolet tam abſurdum, &
incredibile, quod non aliqua veriſi-
militudine poſſit ſuaderi: hoc ta-
men, quod fingitur, de Canone
Sardicenſi à Zosimo in Africam
miſſo, adeò abſurdum eſt, vt quic-
quid huic ſtabiliendo excogitari, &
cõfingi poteſt, id omne ad primum
mentis obtutum, quaſi fumus dif-
fluat, & euaneſcat. Si enim, vt vidi-
mus, Africa tota pacificè admitte-
bat Appellationes ſuas ad Roma-

nam Sedem, vt semper admiserat; si ipsamet hanc potestatem Papæ, tanquam rem omnino certam, & Sanctam, Donatistarum defectioni publicè tunc obiebat, certè non erat, vnde Zosimus moueretur ad mittendum Canonem istum in Africam, vt ibi Romanam Potestatem assertum iret.

Marcus Ephesius in Concilio Florentino Sess. 20. dixit, hunc Canonem missum in Africam, vt probaretur, quod Romanus Pontifex Oecumenicus appellari debuisset. At splendide, vt solebat, mentitus est; neq; enim vel in Canone, vel in omnibus actis Concilij de hac appellatione est verbum, vel apex. Immo titulum istum tunc adeò execrabantur Romani Pontifices, vt post triginta annos ne spontè quidem oblatum à Concilio Calchedonenfi recipere voluerint, vt testatur S. Gre-

148 DE APPELLATIONIBVS
gorius lib. 4. Ep. 36. & lib. 7. Ep. 30.

Illyricus dixit, postulasse sibi Romanos Pontifices à Patribus Africanis, Iurisdictionem in Africam, & in omnes alias regiones, ad eamque probandam per legatos Canonem istum misisse. Sed neque id petijt Zosimus, neque de Africa, vt peteret, opus erat, quod iam, tacentibus Romanis Pontificibus, Africa ipsa contra Donatistas tolleret Petri Vexillum. De alijs verò Regionibus, Zosimus adeò fatuus non fuisset, vt earum ius ab Africanis sibi petendum putaret.

Calvinus Instit. lib. 4. c. 7. §. 9. Canonem Mileuitanum de Appellationibus ad Transmarina huius Legationis causam fuisse contendit: *quùm enim, inquit, in Mileuitano Concilio ubi aderat Augustinus, excommunicati essent, qui prouocarent ultra Mare, conatus est Romanus Ponti-*

fex efficere, ut id decretum corrigeretur.

Cæterùm ostendimus nos illum Canonem non Mileui, sed Carthagine editum fuisse; neque Excommunicatos omnes, qui appellarent, sed solos Presbyteros, & Clericos inferiores; neque si appellarent à Synodis Africæ, ad Transmarina iudicia, sed si à iudicijs ordinariorū immediatè Romam prouocarent. Idque demùm quicquid fuerit, non inuito, & inscio, sed science, & iubente Romano Pontifice factum fuisse. Quare opus non erat mittere in Africam Canonem istum, ut ille corrigeretur, quem Zosimus sanctum volebat.

Marius Antonius de Dominis Canonem de obreptione Communionis à Romana Sede, Legationis, & controuersię causam fuisse vult, multosque numeros farcit ampullis suis. At ostendimus nos, id falsum

150 DE APPELLATIONIBVS
esse, eoque Canone aperte confir-
mari Romanum Primatum. Si er-
go Zosimus causam mittendi hunc
Canonem nullam habuit, cur mi-
sisse dicemus? Nemo fecisse præ-
sumitur, quod causam non habuit
faciendi.

XII. Ut verum vero cõsonat, sic falsum
falso semper cohæret. Etiã Epistolã
Cyrilli ad Africanos duo arguunt
falsi. Primum, quòd Pascha antiquo
more in annum 420. indicitur ad
diẽ 15. Aprilis, quum tamen eo anno
fuerit April. 18. quod ab alijs quoque
obseruatum est. Deinde citatur in eã
pro 20. Canonibus Nicænis, missis à
Cyrillo in Africam, testimonium
historiæ Ecclesiasticæ, in qua refe-
runtur, ad eãque Author ablegat
Patres Africanos. Hæc autem est hi-
storia Ruffini, in qua sola hi Cano-
nes compendio adscripti sunt, ut
etiam in Notis suis Iustello placet.

ECCLESIAE AFRICANÆ. 151

Cæterùm Ruffinus antecedentibus annis ab^a Anastasio R. P. damnatus

fuerat, tanquam Origenista, & eo nomine tunc erat infamis. Origenistas

verò adeò execrabatur Cyrillus successor, & nepos Theophili, à quo

^b primùm damnati fuerant in Ægypto, ut in ipsū quoque Chrysostomū

diù animo iniquiore fuerit, quòd aliquando Origenis libros legisset.

^c Cæteros autē qui Origeni utcumque addicti essent Episcopi Alexan-

drini in Ægypto ne morari quidem patiebatur. Et Cyrillus tunc ad Ruffini

libros Patres Africanos prouocavit? Apud Africanos, qui in Pelagianam

hæresin recenter tanto exarserant zelo, fidem fecerit sibi ex

testimonio Ruffini, ^d quem Africanis hæreseos Pelagianæ Principem

paulò antè, & authorem detexerant? Hoc certè est, nimium inuerisimiliter

mentiri.

^a Anast. ep. 2.
Hieron. aduers.
Ruff. Apol. 1.
lib. 2. & Apol.
2.

^b Hieron. ep.
70 78. Sever.
Dialog. lib. 1.

^c Apud Hier.
ep. 67. & 73.

^d August. de
pecc. origin.
con. Pelag. lib.
2. cap. 2. 3.

152 DE APPEL. ECCLES. AFRIC.

Iam ergò si Canones eius Concilij actis istis repugnant, si publicæ tabulæ, si locus, si tempus, personæ, doctrina, praxis vniuersalis Africæ illis, & Epistolis refragantur; si hæc omnia mille mendacijs referta nullo probabilitatis inuolucro regi possunt: restat, vt tanquam adulterinana liberè accenseantur antiquis hæreticorum dolis, & imposturis, quibus, vt dicebat Tertullianus, non potuisset succedere corruptela doctrinæ, sine corruptela instrumentorum eius.

De Prescript.



FINIS.

SUMMA PRIVILEGII.

REX sanxit ne quis intra decennium Typis mandet néue vendat librum cui titulus est *F. Marci Antonij Capelli Franciscani Conuentualis, De Appel-lationibus Ecclesie Africana ad Romanam Sedem, Dissertatio- Aduersus Hereticos nostri temporis*, præter Nicolaum Buon Bibliopolam Parisiensem. Qui secus faxit, pœna multabitur, vtilatius patet in ipso diplomate dato Parisijs 15. die Iunii 1622. Subsignato, L' A M Y.





